





盧舜治曰以思論之心虛而應物者也火無形而離于物者也二者其德同同故無所不照心之用思思則得之及其至也無思無為寂然不動感而遂通天

漢書評林卷之二十七下之上 吳興後學凌稚隆輯校

五行志第七下之上

傳曰思心之不睿。是謂不聖。厥咎霧。師古曰霧音莫豆反厥罰

恒風。厥極凶短折。時則有脂夜之妖。時則有華孽。時

則有牛禍。時則有心腹之痾。時則有黃眚黃祥。時則

有金木水火沴土。思心之不睿。是謂不聖。思心者。心

思慮也。睿寬也。孔子曰。居上不寬。吾何以觀之哉。言

上不寬大。包容臣下。則不能居聖位。貌言視聽。以心

為主。四者皆失。則區霧無識。師古曰區音口豆反故其咎霧也。

雨旱寒奧亦以風為本。師古曰奧音於六反四氣皆亂。故其罰

以入惟風亦然
故人聖則火得
其性而休徵時
風聖之反為蒙
蒙則火失其性
而其咎徵常風
若漢以思為土
則謬于洛書之
旨矣

常風也。常風傷物。故其極凶短折也。傷人曰凶。禽獸
曰短。中木曰折。一曰凶夭也。兄喪弟曰短。父喪子曰
折。在人腹中肥而包裹心者脂也。心區霧則冥晦。故
有脂夜之妖。師古曰脂妖及夜妖一曰有脂物而夜為妖。若脂
水夜汗人衣淫之象也。一曰夜妖者雲風並起而杳
冥。故與常風同象也。温而風則生螟螣。師古曰螣音徒得反有
裸蟲之孽。師古曰裸亦羸字也。從衣果聲劉向以為於易巽為風為
木。卦在三月四月。繼陽而治。主木之華實。風氣盛至
秋冬木復華。故有華孽。一曰地氣盛則秋冬復華。一
曰華者色也。土為內事。為女孽也。於易坤為土。為牛。

茅坤曰此可見
洪範之以其事
其應其說有不
行矣
隆按此上引傳
語思心之不處
而釋言是以後
歷著思答之志
應
宋祁曰也庶二
字當刪
隆按庶徵以下
屬傳語厥答靈
厥罰恒風

牛大心而不能思慮。思心氣毀。故有牛禍。一曰牛多
死。及為怪亦是也。及人則多病。心腹者。故有心腹之
病。土色黃。故有黃青黃祥。凡思心傷者。病土氣。土氣
病。則金木水火沴之。故曰時則有金木水火沴土。不
言惟而獨曰時則有者。非一衝氣所沴。明其異大也。
其極曰凶短折。順之其福曰考終命。師古曰壽考而終其命劉
歆思心傳曰。時則有羸虫之孽。謂螟螣之屬也。庶徵
之常風。劉向以為春秋無其應。釐公十六年正月六
鴉退。蜚過宋都。師古曰鴉音五狄反左氏傳曰。風也。劉歆以為
風發於它所。至宋而高。鴉高蜚而逢之。則退。經以見

隆按此下屬傳語厥答霧厥罰恒風

者為文。故記退蜚。傳以實應。著言風常風之罰也。象

宋襄公區霧自用。不容臣下。逆司馬子魚之諫。而與

彊楚爭盟。師古曰子魚公子目夷也桓公之子而為

子魚諫曰小國爭盟禍也公不聽之後六年為楚所執。師古曰僖二十

以伐宋距六年應六鵙之數云。京房易傳曰潛龍勿

用。師古曰乾初九爻辭眾逆同志。至德迺潛。厥異風其風也行

不解物不長。師古曰不解物謂物逢之而雨小而傷

政悖德隱。茲謂亂。厥風先風不雨。大風暴起。發屋折

木。守義不進。茲謂耄。厥風與雲俱起。折五穀莖。臣易

上政。茲謂不順。厥風大焮發屋。師古曰焮疾風也音必遙反賦歛

不理。茲謂禍。厥風絕經緯。如淳曰有所破壞絕匹帛之屬也晉灼曰南北為經

東西為緯絲因風暴亂不端理也止即温。温即蟲。侯專封。茲謂不統。

厥風疾而樹不搖。穀不成。辟不思道利。茲謂無澤。師古

曰道讀曰導不思導示於下而安利之厥風不搖木。旱無雲。傷禾。公常

於利。茲謂亂。師古曰公上爵也常於利謂心常求利也厥風微而温。生蟲

蝗。害五穀。棄正作淫。茲謂惑。厥風温。螟蟲起。害有益

人之物。侯不朝。茲謂叛。厥風無恒。地變赤而殺人。文

帝二年。六月。淮南王都壽春。大風毀民室。殺人。劉向

以為是歲南越反。攻淮南邊。淮南王長破之。後年入

朝。殺漢故丞相辟陽侯。上赦之。歸聚姦人。謀逆亂。自

隆按以下屬傳語時則有脂夜之妖

稱東帝見異不寤後遷于蜀道死靡文帝五年吳暴風雨壞城官府民室時吳王濞謀為逆亂天戒數見終不改寤後卒誅滅五年十月楚王都彭城大風從東南來毀市門殺人是月王戊初嗣立後坐淫削國與吳王謀反刑僂諫者師古曰謂楚相張尚太傅趙夷吾也吳在楚東南天戒若曰勿與吳為惡將敗市朝王戊不寤卒隨吳亡昭帝元鳳元年燕王都薊大風雨師古曰薊縣名燕國之所都拔宮中樹七圍以上十六枚壞城樓燕王且不寤謀反發覺卒伏其辜釐公十五年九月己卯晦震夷伯之廟師古曰夷伯司空無駭之後本魯公族也號展氏劉向以為晦暝也

震雷也夷伯世大夫正書雷其廟獨冥師古曰冥暗也天戒

若曰勿使大夫世官將專事暝晦明年公子季友卒

果世官師古曰謂季友之孫行父仍執政專國自此以後常為卿政在季氏至成

公十六年六月甲午晦正書皆暝陰為陽臣制君也

成公不寤其冬季氏殺公子偃師古曰為季文子所殺也季氏萌

於釐公師古曰萌喻草木始生也言其始有威權大於成公此其應也董

仲舒以為夷伯季氏之孚也師古曰孚信也陪臣不

當有廟震者雷也晦暝雷擊其廟明當絕去僭差之

類也向又以為此皆所謂夜妖者也劉歆以為春秋

及朔言朔及晦言晦人道所不及則天震之展氏有

陰按以下屬傳語時則有華孽

茅坤曰類之食根食葉食本食心各有類應

隱隱故天加誅於其祖夷伯之廟以譴告之也成公

十六年六月甲午晦晉侯及楚子鄭伯戰于鄆陵皆

月晦云隱公五年秋螟董仲舒劉向以為時公觀漁

于棠貪利之應也師古曰棠魯地也陳漁者之事而觀之也劉歆以為又

逆臧釐伯之諫也師古曰臧僖伯公子彊也孝公之子諫觀漁貪利區霽以

生羸蟲之孽也八年九月螟時鄭伯以邴將易許田

師古曰邴祀泰山之邑也有貪利心京房易傳曰臣安祿茲謂貪

厥災蟲蟲食根德無常茲謂煩蟲食葉不絀無德蟲

食本與東作爭茲謂不時師古曰奪農時也蟲食節蔽惡生

孽蟲食心師古曰蔽謂惡人蔽君之明為災孽也嚴公六年秋螟董仲

舒劉向以為先是衛侯朔出奔齊齊侯會諸侯納朔

師古曰朔謂惠公也桓十六年以左公子泄右公子職立公子黔牟故惠公奔齊至莊五年會齊人宋人蔡人伐衛而納惠公也許諸侯賂齊人歸衛寶魯受

之師古曰以伐衛所獲之寶來歸魯貪利應也文帝後六年秋螟是

歲匈奴大入上郡雲中烽火通長安遣三將軍屯邊

三將軍屯京師宣公三年郊牛之口傷改卜牛牛死

劉向以為近牛禍也是時宣公與公子遂謀共殺子

赤而立又以喪娶師古曰宣元年正月公子遂如齊逆女三月遂以夫人婦姜至自齊區霽昏亂亂成於口幸有季文子得免於

禍天猶惡之生則不饗其祀師古曰謂郊牛傷死是天不欲饗其祀死

時成公喪制未除區霽昏亂亂成於口幸有季文子得免於

禍天猶惡之生則不饗其祀師古曰謂郊牛傷死是天不欲饗其祀死

陰按此下屬傳語時則有牛既

則災燔其廟。

師古曰成三年新宮災新宮者宣之廟也以其新成故謂之新宮。

董仲

舒指略同。秦孝文王五年游胸衍有獻五足牛者。

師古曰胸衍地名在北地胸音許于反。劉向以為近牛禍也。先是文惠王

初都咸陽。廣大宮室。南臨渭。北臨涇。思心失。逆上氣

足者止也。戒秦建止奢。秦將致危亡。如淳曰建立基止秦奢秦秦

遂不改。至於離宮三百。復起阿房。未成而亡。一曰牛

以力為人用。足所以行也。其後秦大用民力轉輸。起

負海。至北邊。師古曰負海猶言背海也。天下叛之。京房易傳曰與

繇役奪民時。厥妖牛生五足。景帝中六年。梁孝王田

北山有獻牛。足上出背上。劉向以為近牛禍。先是孝

隆按以下屬傳語厥極凶短折

茅坤曰冷州鳩于景王之鑄無射也以其聲擲而下其心疾而死應甚神異

王驕奢。起苑方三百里。宮館閣道相連三十餘里。納

於邪臣羊勝之計。欲求為漢嗣。刺殺議臣爰盎。事發

負斧歸死。既退歸國。猶有恨心。內則思慮霧亂。外則

土功過制。故牛既作足而出於背。下奸上之象也。師古

曰奸犯也音干猶不能自解。發疾暴死。又凶短之極也。左氏

傳昭公二十一年。春周景王將鑄無射鐘。師古曰鍾

之律也。射音弋石反。冷州鳩曰。應劭曰。冷官也。州鳩名也。師古

零其字。王其以心疾死乎。夫天子省風以作樂。應劭

從水。王其以心疾死乎。夫天子省風以作樂。應劭

土地風俗也。省中和之風以作樂。然後小者不窳。大

者不擻。師古曰窳音他。窳反。擻音胡。化反。擻則不容。心是

以感感實生疾。今鍾瓠矣。王心弗裁。孟康曰其能久古堪字

乎。劉向以為是時景王好聽淫聲。適庶不明。師古曰謂太子

腹之病。凶短之極者也。昭二十五年春。魯叔孫昭子

聘于宋。元公與燕飲酒樂。語相泣也。師古曰昭子叔

也。茲君與叔孫其皆死乎。吾聞之。哀樂而樂。哀皆喪心

也。師古曰哀樂可樂而反哀也。樂心之精爽。是謂魂

魄。魂魄去之。何以能久。冬十月。叔孫昭子死。十一月

宋元公卒。昭帝元鳳元年九月。燕有黃鼠銜其尾舞

隆按昭二十五年一節屬傳語時則有心腹之病

隆按以下屬傳語時則有黃青

黃祥又按昭帝元鳳一段重前

王宮端門中。往視之。鼠舞如故。王使夫人以酒脯祠

鼠。舞不休。夜死。黃祥也。時燕刺王曰。謀反將敗。死

象也。其月發覺伏辜。京房易傳曰。誅不原情。厥妖鼠

舞門。成帝建始元年四月辛丑夜。西北有如火光。壬

寅晨。大風從西北起。雲氣赤黃。四塞天下。終日夜下

著地者。黃土塵也。是歲帝元舅大司馬大將軍王鳳

始用事。又封鳳母弟崇為安成侯。食邑萬戶。庶弟譚

等五人。賜爵關內侯。食邑三千戶。師古曰譚商音復

益封鳳五千戶。悉封譚等為列侯。是為五侯。哀帝即位。封外屬丁氏。傅氏。周氏。鄭氏。凡六人為列侯。師古曰外

戚傳傳太后弟子喜封高武侯晏封孔鄉侯商封汝
昌侯同母弟子鄭業為陽信侯丁太后兄明封陽安
侯子滿封平周侯傳氏鄭氏侯者四人丁氏侯者二
人今此言六人為列侯其數是也傳氏丁氏鄭氏則
有之而不見周氏所出
志傳不同未詳其意
楊宣對曰五侯封日天氣赤
黃丁傳復然服虔曰楊宣此殆爵土過制傷亂土氣
之祥也京房易傳曰經稱觀其生師古曰易觀卦上九爻辭言大
臣之義當觀賢人知其性行推而貢之否則為聞善
不與茲謂不知師古曰徒知之而不能進助也厥異黃厥咎孽厥
災不嗣黃者日上黃光不散如火然有黃濁氣四塞
天下蔽賢絕道故災異至絕世也經曰良馬逐師古曰此
易大畜九三爻辭逐進也言大臣得賢者謀當顯進其人否

隆按以下屬傳
語金木水火土

則為下相攘善師古曰攘卻也言不進達之也一日
茲謂盜明厥咎亦不嗣至於身儻家絕史記周幽王
二年周三川皆震應劭曰震地震三川竭也師古曰
震耳故將壅塞非地震也劉向以為金木水火土者伯陽甫
曰服虔曰周太史周將亡矣天地之氣不過其序若過其序
民亂之也陽伏而不能出陰迫而不能升應劭曰迫
不能於是陰迫陽使於是有地震今三川實震是陽失其所而填陰
也應劭曰失其所失其道也陽失而在陰原必塞師
填陰為陰所填不得升也原塞國必亡夫水土演而民用也應劭曰
泉之本也所以引出土氣者演引也土無所演而民乏財用不亡何待

昔伊維竭而夏亡。河竭而商亡。今周德如二代之季。其原又塞。塞必竭。川竭。山必崩。夫國必依山川。山崩。川竭。亡之徵也。若國亡。不過十年。數之紀也。是歲三川竭。岐山崩。劉向以為陽失在陰者。謂火氣來煎枯水。故川竭也。山川連體。下竭上崩。事執然也。時幽王暴虐。妄誅伐。不聽諫。迷於褒姒。廢其正后。師古曰。褒姒。褒人所獻之女也。正后。申后也。廢后之父申侯與犬戎共攻殺幽王。一曰其在天文。水為辰星。辰星為蠻夷。月食辰星。國以女亡。幽王之敗。女亂其內。夷攻其外。京房易傳曰。君臣相背。厥異名水絕。師古曰。有名之水。文公九年。

九月癸酉地震。劉向以為先是時齊桓晉文魯釐二

伯賢君新沒。

師古曰。齊桓晉文二伯也。魯僖賢君也。

周襄王失道。

師古曰。謂

避叔帶之難而出。奔失為君之道。楚穆王殺父。師古曰。穆王商臣也。殺其父成王也。諸侯皆不肖。權傾於下。天戒若曰。臣下彊盛者將動為

害。後宋魯晉莒鄭陳齊皆殺君。

師古曰。文十六年宋人殺其君杵臼。十八

年襄仲殺惡。宣二年晉趙盾殺其君夷。臯文十八年莒弒其君庶。其宣四年鄭公子歸生殺其君夷。十年陳夏徵舒殺其君平。國文十八年齊人殺其君商人。諸震略皆從董仲舒說也。

京房易傳曰。臣事雖正。專必震。其震於水則波。於木

則搖。於屋則瓦落。大經在辟而易臣。茲謂陰動。

服虔曰。經

常也。辟音刑。辟之。辟蘇林曰。大經五行之常經也。在辟眾陰犯殺其上也。師古曰。辟讀曰僻。謂常法僻壞。

茅坤曰臣事專
陰虧陽也故地
震

而易也。厥震搖政宮。大經搖政。茲謂不陰。厥震搖山。山

出涌水。嗣子無德專祿。茲謂不順。厥震動丘陵。涌水

出。襄公十六年五月甲子地震。劉向以為先是雞澤

之會。諸侯盟。大夫又盟。師古曰雞澤衛地也。襄三年公會單子晉侯宋公衛侯鄭

伯莒子邾子齊世子光已未同盟于雞澤。陳侯使索僑如會。戊寅叔孫豹及諸侯大夫及陳索僑盟也。

是歲三月諸侯為溴梁之會。而大夫獨相與盟。師古曰經

書諸大夫盟謂晉宋衛鄭曹莒邾邾薛杞小邾之大夫。五月地震矣。其後崔氏專

齊。欒盈亂晉。良霄傾鄭。閻殺吳子。燕逐其君。楚滅陳

蔡。師古曰崔氏齊卿崔杼也。欒盈晉大夫欒桓子之子。懷子也。二十一年奔楚。二十二年復入于晉。而

作亂。良霄鄭大夫伯有也。三十年子皙以駟氏之甲伐而焚之。伯有奔靡。梁遂奔許。晨自墓門之竇入介

子襄庫以伐舊北門駟帶率國人伐之。伯有死于羊肆。關守門者也。吳子餘祭也。吳人伐越獲俘焉。以為閻使守舟。二十九年餘祭觀舟閻以刀殺之。燕北燕國也。昭三年冬燕大夫殺公之外嬖公懼奔齊。昭八年楚師滅陳。十一年楚滅蔡也。昭公十九年五月己卯地震。劉向以為是時季氏將有逐君之變。其後宋三臣曹會皆以

地叛。師古曰二十年宋華亥向寧華定出奔陳。二十一年自陳入于宋南里以叛。曹會大夫公孫會也。二十年自鄭出奔宋。穀梁傳曰自鄭蔡莒逐其君。

者專鄭也。鄭會之邑也。鄭音莫風反。

吳敗中國殺二君。師古曰昭二十一年蔡人信費無極之言出蔡侯朱朱出奔楚。二十

三年莒子庚輿虐而好劍。國人患之。秋七月烏存帥國人以逐之。庚輿出奔魯。戊辰吳敗楚頓。胡沈蔡陳許之師于雞父。胡子

鬺沈子逞滅是也。二十三年八月乙未地震。劉向

以為是時周景王崩。劉單立王子猛。尹氏立子朝。其

後季氏逐昭公。黑肱叛邾。師古曰：黑肱，邾大夫也。三十一

來奔。濫邾邑。吳殺其君僚。師古曰：二十七年，吳公子光使專設諸抽劍刺王，是也。宋

五大夫晉二大夫皆以地叛。師古曰：定十年，宋公之弟辰暨仲它石強出奔。

陳十一年春，辰及仲它石強公子地自陳入于蕭。以叛秋，宋樂大心自曹入于蕭。十三年，晉荀與士吉射

入朝歌。哀公三年四月甲午地震。劉向以為是時諸

侯皆信邪臣，莫能用仲尼，盜殺蔡侯，齊陳乞弑君。師古曰：哀四年，經書盜殺蔡侯，申左氏傳曰：蔡昭侯將如

吳諸大夫恐其又遷也。公孫翩逐而射之，入于家人而卒。陳乞齊大夫陳僖子也。六年乞殺其君荼，荼景公之子安孺人也。惠帝二年正月

地震隴西，厭四百餘家。師古曰：厭，音一甲反。武帝征和二年八

月癸亥地震，厭殺人。宣帝本始四年四月壬寅地震。

河南以東四十九郡北海琅邪壞祖宗廟城郭，殺六

千餘人。元帝永光三年冬地震，綏和二年九月丙辰

地震，自京師至北邊郡國三十餘壞城郭，凡殺四百

一十五人。釐公十四年秋八月辛卯沙麓崩，穀梁傳

曰：林屬於山曰麓。師古曰：屬，聯也。音之欲反。沙其名也。劉向以為

臣下背叛，散落不事上之象也。先是齊桓行伯道，會

諸侯，事周室，管仲既死，桓德日衰。天戒若曰：伯道將

廢，諸侯散落，政逮大夫，陪臣執命。臣下不事上矣。桓

公不寤，天子蔽晦。師古曰：被掩蔽而暗也。及齊桓死，天下散而

從楚。王札子殺二大夫。師古曰：二大夫，召伯毛伯也。晉敗天子之

師師古曰謂敗之於買戎也莫能征討。從是陵遲。公羊以為沙麓

河上邑也。董仲舒說略同。一曰河大川象齊大國。桓

德衰伯道將移於晉文。故河為徙也。左氏以為沙麓

晉地。沙山名也。地震而麓崩。不書震舉重者也。伯陽

甫所謂國必依山川。山崩川竭亡之徵也。不過十年

數之紀也。至二十四年。晉懷公殺於高粱。師古曰懷公謂子圉

惠公之子也。文公入國而使殺之。高粱晉地。京房易傳曰。小人剝廬。師古曰剝

卦上九厥妖山崩。茲謂陰乘陽。弱勝彊。成公五年夏

梁山崩。穀梁傳曰。靡河三日不流。師古曰靡晉君帥

群臣而哭之。迺流。師古曰楚伯宗用輦者之言劉向以為山陽君

也。水陰民也。天戒若曰。君道崩壞。下亂。百姓將失其

所矣。哭然後流。喪亡象也。梁山在晉地。自晉始而及

天下也。後晉暴殺三卿。厲公以弒。師古曰三卿謂卻

公殺之而樂書中行偃又溴梁之會。天下大夫皆執

國政。其後孫甯出衛獻。師古曰孫孫林父甯甯殖皆

也。名術。獻公戒二子食日。盱不召而射鴻於囿。二子

怒。因作亂。公如郵。遂出奔齊。孫氏追之。敗公徒于柯

澤。事在襄十四年。三家逐魯昭。單尹亂王室。董仲舒說略同。

劉歆以為梁山晉望也。崩弛崩也。師古曰言古者三

代命祀。祭不越望。吉凶禍福。不是過也。國主山川。山

七年復在鶉火樂書中行偃殺厲公而立悼公高后
二年正月武都山崩殺七百六十人地震至八月迺
止文帝元年四月齊楚地山二十九所同日俱大發
水潰出劉向以為近水沴土也天戒若曰勿盛齊楚
之君今失制度將為亂後十六年帝庶兄齊悼惠王
之孫文王則薨無子帝分齊地立悼惠王庶子六人
皆為王師古曰謂齊孝王將閭濟北王志菑菑川王賢膠東王雄渠膠西王卬濟南王辟光賈
誼鼂錯諫以為違古制恐為亂至景帝三年齊楚七
國起兵百餘萬漢皆破之春秋四國同日災師古曰宋衛陳
鄭漢七國同日眾山潰咸被其害不畏天威之明效

茅坤曰劉向按周興本于岐也而周以岐山崩三川竭而周二漢興本于蜀也元成而後則岷山崩而江水逆流而漢亦必亡矣非京房董所及

徐中行曰皇極為九疇之主不當與五行並列及厥各耗厥罰恒陰又不見于

也成帝河平三年二月丙戌犍為柏江山崩捐江山
崩皆靡江水江水逆流壞城殺十三人地震積二十
一日百二十四動元延三年正月丙寅蜀郡岷山崩
靡江江水逆流三日迺通劉向以為周時岐山崩三
川竭而幽王亡岐山者周所興也漢家本起於蜀漢
今所起之地山崩川竭星孛又及攝提大角從參至
辰如淳曰孛星尾長及攝提大角始發於參至辰也殆必亡矣其後三世亡
嗣王莽篡位

傳曰皇之不極是謂不建厥咎眊服虔曰眊音老耄厥罰恒
陰厥極弱時則有射妖時則有龍蛇之孽時則有馬

庶徵中此或漢
儒之附會而班
史信之耳

禍時則有下人伐上之病。時則有日月亂行。星辰逆
行。皇之不極。是謂不建。皇君也。極中建立也。人君貌
言視聽思心五事皆失。不得其中。則不能立萬事。失
在眊悖。故其咎眊也。師古曰。眊不明也。悖惑也。音布內反。王者自下承
天理物。雲起於山而彌於天。師古曰。彌滿也。天氣亂。故其罰
常陰也。一曰。上失中。則下彊盛而蔽君明也。易曰。亢
龍有悔。貴而亡位。高而亡民。賢人在下位而亡輔。師古
曰。乾上九。文言也。如此則君有南面之尊。而亡一人之助。故
其極弱也。盛陽動進輕疾。服虔曰。陽行。輕且疾也。禮春而大射
以順陽氣。韋昭曰。將祭與羣。臣射謂之大射。上微弱。則下奮動。故有

射妖。易曰。雲從龍。師古曰。乾九三。文言。又曰。龍蛇之蟄。以存身

也。師古曰。下。繫辭也。陰氣動。故有龍蛇之孽。於易乾為君。為

馬。馬任用而彊力。君氣毀。故有馬禍。一曰。馬多死。及

為怪亦是也。君亂且弱。人之所叛。天之所去。不有明

王之誅。則有篡弒之禍。故有下人伐上之病。凡君道

傷者。病天氣。不言五行。診天。而曰。日月亂行。星辰逆

行者。為若下不敢診天。猶春秋曰。王師敗績于貿戎。

不言敗之者。以自敗為文。尊尊之意也。劉歆皇極傳

曰。有下體生上之病。說以為下人伐上。天誅已成。不

得復為病云。皇極之常陰。劉向以為春秋亡其應。一

隆按以上引傳
語皇之不極而
釋言之以下歷
著其事應

曰又陰不雨是也。劉歆以為自屬常陰。昭帝元平元年四月崩。亡嗣。立昌邑王賀。賀即位。天陰晝夜不見日月。賀欲出。光祿大夫夏侯勝當車諫曰。天又陰而不雨。臣下有謀上者。陛下欲何之。賀怒。縛勝以屬吏。吏白大將軍霍光。光時與車騎將軍張安世謀欲廢賀。光讓安世以為泄語。安世實不泄。召問勝。勝上洪範五行傳曰。皇之不極。厥罰常陰。時則有下人伐上。不敢察察言。故云臣下有謀。光安世讀之大驚。以此益重經術士。後數日卒。共廢賀。此常陰之明效也。京房易傳曰。有蜺蒙霧。霧上下合也。蒙如塵雲。蜺日旁

氣也。其占曰。后妃有專。蜺再重赤而專。至衝旱。孟康曰。專而負也。若五月再重赤而負。至十一月旱也。

出日中。妻以貴高夫。茲謂擅陽。蜺四方。日光不揚。解

而溫。服虔曰。蒙氣解而溫。內取。茲謂禽。服虔曰。人君內淫於骨

之聚。蜺如禽在日旁。以尊降妃。茲謂薄嗣。蜺直而塞。

六辰。迺除。夜星見而赤。韋昭曰。六辰謂從卯至申。女不變始。茲謂

乘夫。孟康曰。始貴高於夫終行此不變也。蜺白在日側。黑蜺果之氣正

直。師古曰。果謂子之也。妻不順正。茲謂擅陽。蜺中窺貫而外專。

夫妻不嚴。茲謂媾。韋昭曰。媾言媾慢也。蜺與日會。婦

人擅國。茲謂頃。師古曰。頃讀曰傾。蜺白貫日中。赤蜺四背。服虔

曰蜺適不答。茲謂不次。師古曰答報也。言妻有承順背日之心不見報答也。一曰答對也。言不以恩意接對之。

蜺直在左。蜺交在右。取於不專。茲謂危。

嗣蜺抱日兩未及。君淫外。茲謂亡。蜺氣左日交於外。

取不達。茲謂不知。蜺白奪明而大温。温而雨。師古曰取讀曰

聚尊卑不別。茲謂媾。蜺三出三已。三辰除。韋昭曰若從寅至辰

也。蜺旦見西晏則雨。除則日出且雨。臣私祿及親。茲謂罔辟。昭

曰辟君也。厥異蒙。其蒙先大温。已蒙起日不見。行善不請

於上。茲謂作福。蒙一日五起五解。辟不下謀。臣辟異

道。茲謂不見。上蒙下霧。風三變而俱解。立嗣子疑。茲

謂動欲蒙。赤日不明。德不序。茲謂不聰。蒙日不温。明

而民病。德不試。空言祿。師古曰試用也。茲謂主竅臣天。孟康曰謂

君情竅用人不以次第為天也。師古曰竅音度。蒙起而白。君樂逸人。茲謂放。

蒙日青。黑雲夾日。左右前後行過日。公不任職。茲謂

怙祿。蒙三日。又大風五日。蒙不解。利邪以食。茲謂閉

上。蒙大起。白雲如山。行蔽日。公懼不言道。茲謂蔽下。

蒙大起。日不見。若雨不雨。至十二日解。而有天雲蔽

日。祿生於下。茲謂誣君。蒙微而小雨。已乃大雨。下相

攘善。茲謂盜明。蒙黃濁。下陳功求於上。茲謂不知。蒙

微而赤。風鳴條。解復蒙。下專刑。茲謂分威。蒙而日不

得明。大臣猷小臣。茲謂蔽。蒙微日不明。若解不解。大

陰按以上屬傳語厥咎耗厥罰

風發赤雲起而蔽日。眾不惡惡。茲謂蔽。蒙尊卦用事。

孟康曰尊卦乾坤也三日而起。日不見。漏言亡喜。茲謂下厝用。

師古曰厝音千各反蒙微。日無光。有雨。雲雨不降。廢忠惑佞。茲

謂亡。蒙天先清而暴。蒙微而日不明。有逸民。茲謂不

明。蒙濁奪日光。公不任職。茲謂不絀。蒙白。三辰止。則

日青。青而寒。寒必雨。忠臣進。善君不試。茲謂遏。蒙先

小雨。雨已。蒙起微而日不明。惑眾在位。茲謂覆國。蒙

微而日不明。一溫一寒。風揚塵。知佞厚之。茲謂庫。蒙

甚而溫。君臣故弼。茲謂悖。師古曰弼猶相疾也悖惑也厥災風雨

霧。風拔木。亂五穀。已而大霧。庶正蔽惡。茲謂生孽。災

恒陰以下屬傳語時則有射妖

茅坤曰以上並京房易傳似太條碎

厥異霧。此皆陰雲之類云。嚴公十八年秋。有蜮。劉向

以為蜮生南越。越地多婦人。男女同川。淫女為主。亂

氣所生。故聖人名之曰蜮。蜮猶惑也。在水旁。能射人。

射人有處。甚者至死。師古曰以氣射人也南方謂之短弧。師古曰即

射工也亦呼水弩近射妖死亡之象也。時嚴將取齊之淫女。

故蜮至。天戒若曰。勿娶齊女。將生淫惑篡弑之禍。嚴

不寤。遂取之入。後淫於二叔。二叔以死。兩子見弑。夫

人亦誅。劉歆以為蜮。盛暑所生。非自越來也。京房易

傳曰。忠臣進。善君不試。厥咎國生蜮。史記魯哀公時

有隼集于陳廷而死。師古曰隼鷩鳥即今之鴉也說者以為鷩失之矣廷朝廷也鷩

茅坤曰如京房所言則當時進其言而君不試者不可勝數蜮且當遍海內矣

字音胡 楛矢貫之 應劭曰楛木名師古曰音估其木

骨反 呼其木為石弩 應劭曰弩鏃也 長尺有咫 張晏曰八寸曰咫

陳閔公使使問仲尼 師古曰閔公名周懷公之子 仲尼曰隼之來

遠矣昔武王克商通道百蠻使各以方物來貢肅慎

貢楛矢 臣瓚曰肅慎東北夷 石弩長尺有咫先王分異姓以遠

方職使毋忘服 師古曰服事也 故分陳以肅慎矢試求之故

府果得之 師古曰得昔所分 劉向以為隼近黑祥貪

暴類也矢貫之近射妖也死於廷國亡表也象陳眊

亂不服事周而行貪暴將致遠夷之禍為所滅也是

時中國齊晉南夷吳楚為彊 師古曰中國則齊晉為彊南夷則吳楚為彊

陳交晉不親附楚不固數被二國之禍後楚有白公

之亂 師古曰白公楚平王太子建之子勝也建遇讒奔鄭而死勝在吳子西召之使處吳境為白公

吳人伐慎白公敗之請以戰備獻因 陳乘而侵之 師古曰陳閔

竹亂子西子期皆死事在哀十六年 卒為楚所滅 師古曰陳閔

而侵楚事見哀十七年 史記夏后氏之衰有二龍止於

獲麟之歲也其二十四年而為楚所滅 夏帝卜殺之去

夏廷而言余衰之二君也 師古曰衰古國名 夏帝卜殺之去

之止之莫吉卜請其祭而藏之乃吉 應劭曰祭沫也鄭氏曰祭音牛

齡之齡師古曰去謂驅逐也止謂 於是布幣策告之 師古曰匱

音讀 其後夏亡傳匱於殷周三代莫發至厲王末發

而觀之。漿流于廷，不可除也。厲王使婦人羸而諫之。

應劭曰：羸，呼曰諫。師古曰：諫音先到反。漿，化為玄龜。韋昭曰：玄，黑。龜，蜃也。似蛇而有足。

師古曰：龜似鼈而大，非蛇及蜚蜋也。入後宮，處妾遇之而孕。師古曰：處，妾宮中之

童生子，懼而棄之。宣王立，女童言曰：槃弧其服，實亡

周國。師古曰：女童，謠間里之童女，為歌謠也。槃，山桑之有黠文者也。木弓曰弧。服，盛箭者，即今之步

又也。其草似荻而細，織之為服也。廩音一，簞反。其音基，荻音敵。後有夫婦鬻是器者。

宣王使執而僇之。師古曰：鬻，賣也。既去，見處妾所棄妖子，聞

其夜號哀而收之，遂亡奔褒。後褒人有罪，入妖子以

贖，是為褒姒。幽王見而愛之，生子伯服。王廢申后及

太子宜咎，而立褒姒。伯服代之，廢后之父申侯與緇

西吠戎共攻殺幽王。師古曰：吠戎，即犬戎。亦曰昆夷。詩曰：赫赫宗周

褒姒威之。師古曰：小雅正月之詩也。赫赫，盛貌也。宗周，鎬京也。威滅也。劉向以為

夏后季世，周之幽厲皆諱亂逆天，故有龍龜之怪。近

龍蛇孽也。漿，血也。一曰沫也。槃，弧桑弓也。其服，蓋以

其草為箭服。近射妖也。女童言者，禍將生於女。國以

兵寇亡也。師古曰：因婦人以致兵寇也。左氏傳：昭公十九年，龍鬪

於鄭。時門之外有淵。師古曰：時門，鄭城門也。洧，泉水。洧水出滎陽密縣東

南至潁川，長平入潁也。劉向以為近龍孽也。鄭以小國攝乎晉

楚之間。師古曰：攝，收持也。重以彊吳鄭當其衝，不能修德，將

鬪三國以自危亡。師古曰：言若不修德，則三國伐之必危亡。是時子產任

隆按：以下屬傳語，時則有龍蛇之孽。

劉知幾曰：昭公十九年，龍鬪于

鄭時門之外，有淵。劉向以為近

龍孽也。云云。按昭之十九年，晉

楚連盟于戈不作吳雖強暴未據諸華鄭無外虞非子產之力也又吳為遠國僻在江干必略中原當以楚宋為始鄭居河有隸地匪夷謂當要衝殊為垂角求諸地理不其爽歟

政內惠於民外善辭令以交三國鄭卒亡患能以德消變之效也京房易傳曰眾心不安厥妖龍鬪惠帝二年正月癸酉日有兩龍見於蘭陵廷東里温陵井中師古曰蘭陵縣之廷東里也温陵人姓名至乙亥夜去劉向以為龍貴象而困於庶人井中象諸侯將有幽執之禍其後呂太后幽殺三趙王諸呂亦終誅滅京房易傳曰有德遭害厥妖龍見井中又曰行刑暴惡黑龍從井出左氏傳魯嚴公時有內蛇與外蛇鬪鄭南門中內蛇死劉向以為近蛇孽也先是鄭厲公劫相祭仲而逐兄昭公代立師古曰厲公母宋靡氏之女也祭仲祭封人仲足也桓十一年宋人執祭仲曰不立

突將死仲乃與宋盟而立厲後厲公出奔昭公復入

公昭公奔衛祭音側介反師古曰桓十五年厲公與祭仲之壻離糾謀殺祭仲不克五月出奔蔡六月昭公復歸于鄭九月厲公殺

檀伯而死弟子儀代立師古曰桓十七年高渠彌弑昭公而立其弟子儀

厲公自外劫大夫傅瑕使僂子儀

齊人殺子豐祭仲乃立豐之弟儀也鄭獲傅瑕與之盟於是傅瑕殺子儀而納厲公此外

蛇殺內蛇之象也蛇死六年而厲公立嚴公聞之問

申繻曰猶有妖乎師古曰申繻魯大夫也繻音須對曰人之所忌其

氣炎以取之師古曰炎音亦瞻反妖由人興也人亡釁焉妖不

自作人棄常故有妖京房易傳曰立嗣子疑厥妖蛇

居國門闕左氏傳文公十六年夏有蛇自泉宮出師古

日泉宮即泉臺入于國。如先君之數。劉向以為近蛇孽也。泉

宮在圃中。公母姜氏嘗居之。蛇從之出。象宮將不居

也。詩曰維虺維蛇。女子之祥。師古曰小雅斯于之詩又蛇入國

國將有女憂也。如先君之數者。公母將薨象也。秋公

母薨。公惡之。乃毀泉臺。夫妖孽應行而自見。非見而

為害也。文不改性循正。共御厥罰。而作非禮以重其

過後二年薨。公子遂殺文之二子惡視而立宣公。師古曰惡即子赤也。視其母弟

文公夫人大歸于齊。師古曰本齊女故出而歸齊所謂哀

也。武帝大始四年七月。趙有蛇從郭外入。與邑中

蛇鬪。孝文廟下。邑中蛇死。後二年秋有衛太子事。事

隆按以下屬傳語時則有馬既

自趙人江充起。左氏傳定公十年。宋公子地有白馬

駟。師古曰地宋元公也。四馬曰駟。公嬖向魋欲之。師古曰公謂景公即地之兄也。

魋宋司馬桓魋也。向音式尚反。魋音大回反。公取而朱其尾鬣。師古曰鬣領上鬣也。

音力涉反。以予之地。怒使其徒扶魋而奪之。師古曰扶擊也。音丑失反。

魋懼將走。公閉門而泣之。自盡腫。公弟辰謂地曰。子

為君禮。不過出竟。君必止子。師古曰辰亦元公子也。言若見君怒懼而出奔

是為臣之禮也。竟讀曰境。地出奔陳。公弗止。辰為之請。不聽。辰曰

是我迂吾兄也。師古曰迂欺也。音求往反。吾以國人出。君誰與處。

遂與其徒出奔陳。明年俱入于蕭。以叛。大為宋患。師古曰蕭

宋邑。近馬禍也。史記秦孝公二十一年有馬生人。昭

王二十年牡馬生子而死。劉向以為皆馬禍也。孝公始用商君攻守之法。東侵諸侯。至於昭王用兵彌烈。師古曰其象將以兵革抗極成功而還自害也。牡馬烈猛也。非生類。妄生而死。猶秦恃力彊得天下而還自滅之象也。一曰諸畜生非其類。子孫必有非其姓者。至於始皇果呂不韋子。京房易傳曰方伯分威。厥妖牡馬生子。亡天下。諸侯相伐。厥妖馬生人。文帝十二年有馬生角於吳。角在耳前上鄉。右角長三寸。左角長二寸。皆大二寸。劉向以為馬不當生角。猶吳不當舉兵鄉上也。是時吳王濞封有四郡五十餘城。師古曰高紀云六年

春以故東陽郡鄣郡吳郡五十三縣立劉賈為荆王。十二年十月詔曰吳古之建國日者荆王兼有其地。今死無後。朕欲復立吳王。長沙王臣等請立沛侯為吳王。而荆燕吳傳云荆王劉賈為黥布所殺。無後。上患會稽輕悍。無壯王填之。乃立濞為吳王。王三郡。五十三城。是則濞之所封。賈本地也。止有三郡。荆燕吳傳與紀同矣。今此云四郡。未詳其說。若以賈本不得會稽濞加一郡者。則不得言五十三城也。內懷

驕恣。變見於外。天戒早矣。王不寤。後卒舉兵誅滅京

房。易傳曰。臣易上。政不順。厥妖馬生角。茲謂賢士不

足。又曰。天子親伐。馬生角。成帝綏和二年。二月。大殿

馬生角。在左耳。前圍長各二寸。是時王莽為大司馬。

害上之萌。自此始矣。師古曰萌若草木之始生也。哀帝建平二年。

定襄牡馬生駒三足。隨羣飲食。太守以聞。馬國之武

隆按以下屬傳語時則有下人伐上之病

用。三足不任用之象也。後侍中董賢年二十二為大司馬。居上公之位。天下不宗。哀帝暴崩。成帝母王太后召弟子新都侯王莽。人收賢印綬。賢恐自殺。莽因代之。并誅外家丁傅。又廢哀帝傳皇后。令自殺。發掘帝祖母傳太后母丁太后陵。更以庶人葬之。辜及至尊。大臣微弱之禍也。文公十一年。敗狄于鹹。師古曰。鹹魯地也。穀梁公羊傳曰。長狄兄弟三人。師古曰。防風之後。漆姓也。國號鄭瞞。鄭音所求反。一者之魯。師古曰。僑如也。來伐瞞音莫于反。晉為叔孫得臣所獲。一者之齊。師古曰。榮如也。齊襄公二年。伐齊為王子成父所獲。一者之晉。師古曰。焚如也。宣十五年。晉滅潞國。而獲之。皆殺之。身橫九晦。斷其首而載之。眉見於

軾。師古曰。軾車前橫木。何以書記異也。劉向以為是時周室衰

微。三國為大可責者也。天戒若曰。不行禮義。大為夷

狄之行。將至危亡。其後三國皆有篡弑之禍。師古曰。謂魯文

公薨。襄仲弑惡及視而立宣公。齊連稱管至父弑襄公而立無知。晉欒書中行偃弑厲公而立悼公。近

下人伐上之病也。劉歆以為人變屬黃祥。一曰屬羸

蟲之孽。一曰天地之性人為貴。凡人為變皆屬皇極

下人伐上之病云。京房易傳曰。君暴亂。疾有道。厥妖

長狄入國。又曰豐其屋。下獨苦。師古曰。豐其屋。易豐卦上六爻辭也。豐大

也。長狄生。世主虜。史記秦始皇帝二十六年。有大人

長五丈。足履六尺。皆夷狄服。凡十二人。見于臨洮。師古

何

曰隴西之縣天戒若曰勿大為夷狄之行將受其禍也音土高反是歲始皇初并六國反喜以為瑞銷天下兵器作金人十二以象之遂自賢聖燔詩書阬儒士奢淫暴虐務欲廣地南戍五嶺北築長城以備胡越塹山填谷西起臨洮東至遼東徑數千里故大人見於臨洮明禍亂之起後十四年而秦亡亡自戍卒陳勝發史記魏襄王十三年魏有女子化為丈夫京房易傳曰女子化為丈夫茲謂陰昌賤人為王丈夫化為女子茲謂陰勝厥咎亡一曰男化為女官刑濫也女化為男婦政行也哀帝建平中豫章有男子化為女子嫁為

劉知幾曰哀帝時山陽女子一節雖述此妖灾而了無解釋按人從胞至育舍靈受氣始未有成數前後有定准至在孕輔耳遽發啼聲者亦猶物有基業未彰而形象已兆即王氏篡國之徵生而不舉葬而不死者亦猶物有期運已定非誅剪所平即王氏受命之應也又按班云以

人婦生一子長安陳鳳言此陽變為陰將亡繼嗣自相生之象一曰嫁為人婦生一子者將復一世乃絕哀帝建平四年四月山陽方與女子田無畜生子師古曰方與者山陽之縣也女子姓田名無畜方與音房豫先未生二月兒唬腹中及生不舉葬之陌上三日人過聞唬聲母掘收養平帝元始元年二月朔方廣牧女子趙春病死師古曰廣牧朔方之縣也歛棺積六日出在棺外自言見夫死父曰年二十七不當死太守譚以聞京房易傳曰幹父之蠱有子考亡咎韋昭曰蠱事也子能正父之事是為有子故考不為咎累師古曰易蠱卦辭也子三年不改父道思慕不皇亦重見先人之

小女陳持弓者
陳即莽之所出
如女子田無畜
者田故莽之本
宗事既同占言
無一概豈非唯
知其一而不知
其二者乎

非。師古曰言父有不善之事當速改之若唯思慕而
但思慕而已不暇見父之非也一日三年之內
非故不改也重音直用反。不則為私。厥妖人死復生。
一曰至陰為陽。下人為上。六月長安女子有生兒兩
頭異頸面相鄉四臂共匈俱前鄉尻上有目長二寸
所京房易傳曰睽孤見豕負塗。師古曰易睽卦上九
爻辭也睽孤乖刺之
意也塗泥也厥妖人生兩頭下相攘善妖亦同人若
六畜首目在下。茲謂亡上。正將變更凡妖之作以譴
失正各象其類。二首下不壹也。足多所任邪也。足少
下不勝任或不任下也。凡下體生於上不敬也。上體
生於下媒瀆也。生非其類淫亂也。人生而大上速成

也。生而能言好虛也。羣妖推此類不改乃成凶也。景

帝二年九月膠東下密人年七十餘生角。角有毛。時

膠東膠西濟南齊四王有舉兵反謀。謀由吳王濞起

連楚趙凡七國。下密縣居四齊之中。師古曰四齊即
上所云膠東膠

西濟南齊也本皆
齊地故謂之四齊角兵象。上鄉者也。老人。吳王象也。

年七十七國象也。天戒若曰。人不當生角。猶諸侯不

當舉兵以鄉京師也。禍從老人生。七國俱敗云。諸侯

不寤。明年吳王先起。諸侯從之。七國俱滅。京房易傳

曰。象宰專政。厥妖人生角。成帝建始三年十月丁未

京師相驚言大水至。渭水虎上小女陳持弓年九歲

劉知幾曰按女
子九歲者則陽

氣之極也。男子王褒者，王則巨君之姓也。入北司馬，始為大司馬。至哀帝時，就國帝崩後，仍此官。因以篡位夫入司馬門上而殺，亦由從司馬而升極穴。祥示兆其事甚明，忽而不書，義略何甚。

師古曰：虎上地名也。音斯。走入橫城門，入未央宮，尚方掖門殿門。門衛戶者莫見。至句盾禁中而覺得。師古曰：句盾少覺而見，民以水相驚者，陰氣盛也。小女而入宮殿中者，下人將因女寵而居有宮室之象也。名曰持弓，有似周家廩弧之祥。易曰：弧矢之利，以威天下。師古曰：辭也。是時帝母王太后弟鳳始為上將，秉國政。天知其後將威天下而入宮室，故象先見也。其後王氏兄弟父子五侯秉權，至莽卒篡天下。蓋陳氏之後云。京房易傳曰：妖言動眾，茲謂不信。路將亡人司馬死，成帝綏和二年八月庚申，鄭通里男子王褒。師古曰：鄭縣之通里。衣

絳衣，小冠帶劔，入北司馬門殿東門。師古曰：入北司馬門也。上前殿，入非常室中。如淳曰：殿也。師古曰：組綬類，所以係帷也。又垂以為飾也。佩帶之。招前殿署長業等曰：天帝

令我居此業等收縛考問，褒故公車大誰卒。師古曰：大誰者，主問非常之人云。姓名是誰也。大誰本以誰何稱，因用名官有大誰長，今此卒者長所領士卒也。病

狂易。師古曰：謂病狂而變易其常也。不自知入宮狀，下獄死。是時王莽為大司馬，哀帝即位，莽乞骸骨就第。天知其必不

退，故因是而見象也。姓名章服甚明，徑上前殿路寢入室取組而佩之，稱天帝命。然時人莫察，後莽就國

天下寃之。哀帝徵莽還京師，明年帝崩，莽復為大司

馬。因是而篡國。哀帝建平四年正月。民驚走持橐。或

擗一枚。如淳曰。擗。麻幹也。師古曰。橐。禾稗也。擗音鄒。又音側。九反。傳相付與曰。行

詔。籌道中相過逢。多至千數。或被髮徒踐。師古曰。徒踐。謂徒跣也。或夜折關。或踰墻入。或乘車騎奔馳。以置驛。傳行

經歷郡國二十六。至京師。其夏。京師郡國民聚會里

巷阡陌。設祭張博具。師古曰。博。戲之具。歌舞祠西王母。又傳

書曰。毋告百姓。佩此書者不死。不信我言。視門樞下

當有白髮。師古曰。樞。門扇。所由開閉者也。至秋止。是時帝祖母傅太

后驕與政事。故杜鄴對曰。春秋災異。以指象為言語。

籌所以紀數。民陰水類也。水以東流為順。走而西行。

反類逆上。象數度放溢。妄以相予。違忤民心之應也。

西王母婦人之稱。博奕男子之事。於街巷阡陌。明離

闌內。師古曰。闌。門楹也。音魚。列反。與疆外。臨事盤樂。炕陽之意。白

髮衰年之象。體尊性弱。難理易亂。門人之所由。樞其

要也。居人之所由。制持其要也。其明甚著。今外家丁

傅。並侍帷幄。布於列位。有罪惡者。不坐辜罰。亡功能

者。畢受官爵。皇甫三桓。詩人所刺。春秋所譏。亡以甚

此。師古曰。皇甫。周卿士之字也。用。后嬖寵而處職位。詩人刺之。指象昭昭。以覺聖

朝。奈何不應。後哀帝崩。成帝母王太后臨朝。王莽為

大司馬。誅滅丁傅。一曰。丁傅所亂者小。此異乃王太

后莽之應云。

漢書評林卷之二十七下之上

漢書評林卷之二十七
五行志第七下之下

吳興後學凌稚隆輯校

隆按此卷俱屬傳語時則有日月亂行

洪邁曰隱公三年日有食之劉向以為其後鄭獲魯隱注引狐壤之戰隱公獲焉此自是隱為公子時事耳左傳記之甚明

盧舜治曰隱公之世凡日食一

是歲也衛州吁弑君公子翬專兵權

隱公三年二月己巳日有食之穀梁傳曰言日不言朔食晦公羊傳曰食二日董仲舒劉向以為其後戎執天子之使師古曰凡伯周大夫也隱七年天王使凡伯來聘戎伐凡伯于楚丘以歸鄭

獲魯隱師古曰公羊傳隱六年春鄭人來渝平渝平

之戰隱公獲焉何滅戴師古曰十年秋宋人蔡人衛人伐戴鄭伯伐取之戴國今

外黃縣東南戴城是也讀者衛魯宋咸殺君師古曰

多誤為載故隋室置載州焉師古曰

州吁殺其君完十一年羽父使賊殺公師古曰

于為氏桓二年春宋督弑其君與夷左氏劉歆以為正月二十燕越之分野也凡日所躔而有變則分

野之國失政者受之。師古曰人君能脩政共御厥罰。

則災消而福至不能則災息而禍生。師古曰息謂蕃滋也。故經

書災而不記其故蓋吉凶亡常隨行而成禍福也周

衰天子不班朔。師古曰班布也。魯歷不正置閏不得其月月

大小不得其度史記日食或言朔而實非朔或不言

朔而實朔或脫不書朔與日皆官失之也京房易傳

曰亡師茲謂不御厥異日食其食也既並食不一處

誅眾失理茲謂生叛厥食既光散縱畔茲謂不明厥

食先大雨三日雨除而寒寒即食專祿不封茲謂不

安厥食既先日出而黑光反外燭。韋昭曰中無光四邊有明外燭。君

臣不通茲謂亡厥蝕三既同姓上侵茲謂誣君厥食

四方有雲中央無雲其日大寒公欲弱主位茲謂不

知厥食中白青四方赤已食地震諸侯相侵茲謂不

承厥食三毀三復君疾善下謀上茲謂亂厥食既先

雨雹殺走獸弑君獲位茲謂逆厥食既先風雨折木

日赤內臣外鄉茲謂背厥食食且雨地中鳴。韋昭曰地中有

聲如鳴耳或曰如狗子聲。豕宰專政茲謂因厥食先大風食時日

居雲中四方亡雲伯正越職茲謂分威。師古曰正者長帥之稱。

厥食日中分諸侯爭美於上茲謂泰厥食日傷月食

半天營而鳴。韋昭曰食半謂食望也臣贊曰月食半謂食月之半也月食常以望不為異也。

隆按自京房易傳曰亡師至此雖釋隱三年之食而日食之義

賦不得。茲謂竭。厥食星隨而下。受命之臣專征云試。

厥食雖侵。光猶明。師古曰試用也自擅意也若文王

臣獨誅紂矣。韋昭曰是時紂臣尚未欲誅紂獨文王之臣欲誅之小人順受命

者。征其君云殺。厥食五色。至大寒。隕霜。師古曰殺亦讀曰弑若

紂。臣順武王而誅紂矣。韋昭曰紂惡益甚其臣欲順武王而誅紂諸侯更

制。茲謂叛。厥食三復三食。食已而風地動。適讓庶。茲

謂生欲。厥食日失位。光晦晦。月形見。師古曰晦音烏感反酒云

節。茲謂荒。厥蝕乍青乍黑乍赤。明日大雨。發霧而寒。

凡食二十占。其形二十有四。改之輒除。不改三年。三

年不改。六年。六年不改。九年。推隱三年之食。貫中央。

已總括于此

盧舜治曰桓公之世凡日食二是歲也鄭拒王師楚僭稱王

上下竟而黑。臣弑從中成之形也。後衛州吁弑君而

立。桓公三年七月壬辰朔日有食之。既。董仲舒劉向

以為前事已大。後事將至者又大。則既。先是魯宋弑

君。魯又成宋亂。易許田。亡事天子之心。楚僭稱王。後

鄭拒王師。射桓王。又二君相篡。師古曰謂厲公奔蔡而昭公入高渠彌殺

昭公而。劉歆以為六月趙與晉分。晉灼曰周之六月今之四月始去畢

而立。子臧。晉分也。畢趙也。日行去趙遠入晉分多故

而與計二十八宿分其次度其月及所屬下皆以為

例。先是晉曲沃伯再弑晉侯。師古曰曲沃伯本桓叔成師之封號也其後遂

繼襲焉。魯惠公三十年大夫潘父殺昭侯而納成師。伯伐翼殺。是歲晉大亂。師古曰桓三年莊伯之子曲沃武公伐翼逐翼侯于汾隰

劉知幾曰桓公三年日有蝕之既京房易傳以為後楚嚴始稱王兼地千里按楚自武王僭號鄧盟是懼荆戶又歷文成繆三王方至于嚴是則楚之為工已四世矣何得言嚴始稱之者哉又曾桓公薨後歷嚴閔釐支宣凡五公而楚嚴始作霸安有桓三年日蝕而有應之者邪

盧舜治曰莊公之世凡日食三牙將謀篡弑戎犯中國狄滅衛之應隆按凡日分者皆分野也

夜獲而滅其宗國師古曰桓八年曲沃京房易傳以殺之武公滅翼遂并其國

為桓三年日食貫中央上下竟而黃臣弑而不卒之

形也後楚嚴稱王兼地千里師古曰楚武王荆尸父已見傳今此言莊始稱

言日食二日也劉向以為是時衛侯朔有罪出奔齊

師古曰朔衛惠公也桓十六年經書衛侯朔出奔齊公羊傳曰得罪乎天子穀梁傳曰天子召而不往也

天子更立衛君師古曰衛公于黔牟朔藉助五國舉兵伐之而

自立王命遂壞師古曰莊五年冬公會齊人宋人陳人蔡人伐衛莊六年春王人子突救

魯夫人淫失於齊卒殺桓公師古曰失讀

董仲舒以為言朔不言日惡魯桓且有夫人

之禍將不終日也劉歆以為楚鄭分嚴公十八年三

月日有食之穀梁傳曰不言日不言朔夜食張晏曰日夜食

出而解孟康曰夜食地中出而止是為夜食劉向以為夜食者陰

因日明之衰而奪其光象周天子不明齊桓將奪其

威專會諸侯而行伯道其後遂九合諸侯天子使世

子會之師古曰僖五年齊侯宋公陳侯衛侯鄭伯許男曹伯會王太子于首止是此其效

也公羊傳曰食晦董仲舒以為宿在東壁魯象也後

公子慶父叔牙果通於夫人以弑公劉歆以為晦魯

衛分二十五年六月辛未朔日有食之董仲舒以為

中

莫書卷之三十一

五行

四

中

宿在畢。主邊兵。夷狄象也。後狄滅邢衛。師古曰春秋

邢二年狄滅衛其後並為齊所立而邢遷于夷儀衛遷于楚丘劉歆以為五月二日

魯趙分。二十六年十二月癸亥朔日有食之。董仲舒

以為宿在心。心為明堂。文武之道廢。中國不絕若綫

之象也。師古曰綫縷也音先箭反劉向以為時戎侵曹。魯夫人淫

於慶父叔牙。將以弑君。故比年再蝕以見戒。劉歆以

為十月二日。楚鄭分。三十年九月庚午朔日有食之。

董仲舒劉向以為後魯二君弑。師古曰謂子般為圍人所殺閔公為卜齒

所殺。夫人誅。師古曰哀姜為齊人所殺兩弟死。師古曰謂叔牙及慶父也狄滅

邢。徐取舒。師古曰僖三年徐人取舒舒國名也在廬江舒縣也晉殺世子。師古曰僖

盧舜治曰僖公之世凡日食三

五年晉侯殺楚滅弦。師古曰僖五年楚人滅弦弦國名也在弋陽劉歆以

為八月秦周分。僖公五年九月戊申朔日有蝕之。董

仲舒劉向以為先是齊桓行伯。江黃自至。師古曰江黃二國名也僖二年齊侯宋公江人黃人盟于貫傳曰服南服

外執陳大夫則陳楚不附。師古曰召陵盟後以陳轅濤塗為誤軍而執之陳不服罪故伐之楚鄭伯逃盟。師古曰僖五年秋齊侯與自是不復通諸侯盟于首止。鄭伯逃歸

盟。諸侯將不從桓政。故天見戒。其後晉滅虢。師古曰事在僖楚圍許。諸侯伐鄭。晉弑二君。師古曰謂里克弑奚齊及卓子狄滅

溫。師古曰溫周邑也楚伐黃。師古曰僖十一年黃桓不歸楚貢故伐之桓

隆按此後五書
日有食之皆不
書朔疑有闕文

不能救劉歆以為七月秦晉分十二年三月庚午朔

日有食之董仲舒劉向以為是時楚滅黃師古曰事在十二年

夏狄侵衛鄭師古曰僖十四年狄侵鄭莒滅杞師古曰僖十四年諸

杞滅也孰滅之蓋徐莒也師古曰僖十四年諸劉歆以為三月齊衛分

十五年五月日有食之劉向以為象晉文公將行伯

道後遂伐衛執曹伯敗楚城濮師古曰事並在二十八年再會諸

侯師古曰二十八五年五月召天王而朝之師古曰晉侯不

食者掩其罪也以為上云明王桓文能行伯道攘夷

狄安中國雖不正猶可蓋春秋實與而文不與之義

也董仲舒以為後秦獲晉侯師古曰晉侯夷吾也僖十五年十一月晉侯及

秦伯戰于韓秦師古曰事在公羊傳僖十齊滅項師古曰事在公羊傳僖十楚

獲晉侯以歸也師古曰事在公羊傳僖十楚

敗徐于婁林師古曰事在僖十劉歆以為二月朔齊

越分文公元年二月癸亥日有食之董仲舒劉向以

為先是大夫始執國政師古曰謂東公子遂如京師

人弒君皆自立宋子哀出奔師古曰宋子哀宋卿高

魯事在文師古曰春秋文四年楚人楚滅六

晉滅江師古曰春秋文四年楚人楚滅六

大夫公孫敖叔彭生並專

會盟師古曰文七年冬公孫敖如莒莒盟十一年叔

盧舜治曰文公
之世凡日食二
是時有楚商臣
弒君宋弒杵臼
齊弒商人宣公
弒赤莒弒族其
楚滅江之應
劉知幾曰文公
元年日有食之
劉向以為後晉
滅江案本經書
文四年楚人滅
江今云晉滅其
說無取且江居
南裔與楚為隣

晉處北方去江
殊遠稱晉所滅
其理難通

盧舜治曰宣公
之世凡日食三
是時有四國大
夫敗齊于鞍楚
莊園宋敗晉于
邲之應

漢書卷三十七
五行

仲會劉歆以為正月朔燕越分十五年六月辛丑朔

伯也。日有食之。董仲舒劉向以為後宋齊莒晉鄭八年之

間五君殺死。師古曰文十六年宋弑其君杵臼十八年夏齊人弑其君商人冬莒弑其君庶

其宣二二年晉趙盾弑其君夷臯四年鄭公子歸生弑其君夷也楚滅舒蓼。劉歆以為

四月二日魯衛分。宣公八年七月甲子日有食之既。

董仲舒劉向以為先是楚商臣弑父而立至于嚴王

遂彊諸夏。大國唯有齊晉。齊晉新有篡弑之禍。內皆

未安。故楚乘弱橫行。八年之間六侵伐而一滅國。師古曰六侵伐者謂宣元年侵陳三年侵鄭四年伐鄭五年伐鄭六年伐陳也一滅國者謂八年滅舒蓼也

伐陸渾戎。觀兵周室。師古曰宣三年楚子伐陸渾之戎遂至于洛觀兵于

周疆觀兵者示威武也後又入鄭。鄭伯肉袒謝罪。北敗晉師于

邲。流血色水。師古曰事並在十二年邲鄭地色水謂血流入水而變水之色也邲音蒲必反

圍宋九月析骸而炊之。師古曰事在十五年炊爨也言無薪樵示困之甚也劉

歆以為十月二日楚鄭分。十年四月丙辰日有食之。

董仲舒劉向以為後陳夏徵舒弑其君。師古曰弑靈公也事在十

年楚滅蕭。師古曰蕭宋附庸國也事在十二年晉滅二國。師古曰謂十

潞氏十六年王札子殺召伯毛伯。師古曰事在十五年劉歆以

為二月魯衛分。十七年六月癸卯日有食之。董仲舒

劉向以為後邾支解鄆子。師古曰十八年邾人戕鄆子于鄆支解而節斷之謂

斷其四支晉敗王師于貿戎。師古曰事在成元年敗齊于鞏。師古

漢書卷三十七

五行

七

沈

盧舜治曰成公
之世凡日食二
是時有晉弒州
滿楚滅舒庸之
應

盧舜治曰襄公
之世凡日食二

日事在
成二年劉歆以為三月晦朏魯衛分。服虔曰朏相規也日晦食為朏
臣瓚曰志云晦而月見西方
日朏師古曰朏音侘了反
朔日有食之董仲舒劉向以為後晉敗楚鄭于鄢陵

師古曰事在十
六年鄢陵鄭地 執魯侯劉歆以為四月二日魯衛分

十七年十二月丁巳朔日有食之董仲舒劉向以為

後楚滅舒庸。師古曰舒庸蓋羣舒 晉弒其君。師古曰

也事在
十八年 宋魚石因楚奪君邑。師古曰魚石宋大夫也

年楚伐宋取 莒滅鄆齊滅萊。師古曰事並在襄 鄭伯

弒死。師古曰鄭僖公也襄七年會于鄆其大夫 劉歆

以為九月周楚分襄公十四年二月乙未朔日有食

以臣子皆君父
則十四年衛孫
甯逐君二十四
年齊崔杼衛甯
喜弒君二十七
年閔弒吳子祭
般弒父昔人弒
君以政權在臣
下則十五年有
漢梁之盟以夷
狄侵中國二十
三年楚滅舒鳩

之董仲舒劉向以為後衛大夫孫甯共逐獻公立孫

剽。孟康曰剽音驃師古曰孫林父甯殖逐獻公襄 劉

歆以為前年十二月二日宋燕分十五年八月丁巳

日有食之董仲舒劉向以為先是晉為雞澤之會諸

侯盟又大夫盟後為溴梁之會諸侯在而大夫獨相

與盟君若綴旒不得舉手。應劭曰旒旌旗之流隨風

執隨人劉歆以為五月二日魯趙分二十年十月丙

辰朔日有食之董仲舒以為陳慶虎慶寅蔽君之明

師古曰二慶並陳大夫也襄二十年陳侯之弟黃出

奔楚將出呼於國曰慶氏無道求專陳國暴蔑其君
而去其親五年 邾庶其有叛心。師古曰庶其大夫 後庶其以
不滅是無天也

漆閭丘來奔

師古曰事在二十一年漆及閭丘邾之二邑

陳殺二慶

師古曰二

十三年陳侯如楚公子黃訴二慶楚人召之慶氏以陳叛楚屈建從陳侯圍陳遂殺二慶也

劉歆

以為八月秦周分二十一年九月庚戌朔日有食之

董仲舒以為晉欒盈將犯君後入于曲沃劉歆以為

七月秦晉分十月庚辰朔日有食之董仲舒以為宿

在軫角楚大國象也後楚屈氏譖殺公子追舒師古曰公

子追舒楚令尹子南也二十二年楚殺之齊慶封脅君亂國師古曰慶封

十七年使盧蒲嫫帥甲攻崔氏殺成及彊盡俘其家崔杼縊而死自是慶封當國專執政也劉歆

以為八月秦周分二十三年二月癸酉朔日有食之

董仲舒以為後衛侯入陳儀師古曰衛侯衍也前為

于陳儀陳儀衛邑左傳云夷儀甯喜弒其君剽師古曰二十六年甯

喜殺剽而衍入于衛劉歆以為前年十二月二日宋燕分二十四

年七月甲子朔日有食之既劉歆以為五月魯趙分

八月癸巳朔日有食之董仲舒以為比食又既象陽

將絕孟康曰陽君也夷狄主上國之象也後六君弒師古曰

五年齊崔杼殺其君光二十六年衛甯喜弒其君剽楚子果從諸侯

伐鄭師古曰二十四年冬楚滅舒鳩師古曰二十五

年楚令尹子圍入問王疾縊而殺之卒主中國師古

亦羣舒一種魯往朝之師古曰二十八年公如楚

楚靈王以昭四年伐吳討慶封師古曰慶封以二十八年為慶舍之難自

齊出奔魯遂奔吳至申之會劉歆以為六月晉趙分
楚靈王伐吳執慶封而殺之

二十七年十二月乙亥朔日有食之董仲舒以為禮
義將大滅絕之象也時吳子好勇使刑人守門師古曰吳

刑人闖者子即餘祭也蔡侯通於世子之妻師古曰即蔡侯固

莒不早立嗣師古曰即密州也生去疾後闞戕吳子

師古曰戕傷也它及展與既立展與又廢之蔡世子般弒其父莒人亦弒君而

庶子爭師古曰展與國國人攻其父而殺之展與即

非嫡嗣故位去疾奔齊明年去疾入而展與出奔吳並劉向以為自二十年至此歲八年間日食

七作禍亂將重起故天仍見戒也後齊崔杼弒君宋

殺世子師古曰宋平公太子北燕伯出奔孟康曰有

盧舜治曰昭公
之世凡日食六
是時有楚弒君
慶許弒君買子
朝篡周分為二
意如逐君吳弒
僚楚滅陳之應

北燕南燕姑姓北燕姬姓也師古曰鄭大夫自外入而篡

位師古曰謂指略如董仲舒劉歆以為九月周楚分

昭公七年四月甲辰朔日有食之董仲舒劉向以為

先是楚靈王弒君而立會諸侯執徐子滅賴師古曰

楚人執徐子遂滅賴後陳公子招殺世子師古曰招成公子子哀

陳疾之弟招殺陳太子偃師古曰偃楚因而滅之師古曰偃

公縊其九月楚公子棄疾奉又滅蔡師古曰十一年

太子有以歸用之後靈王亦弒死師古曰十三年楚公子比

劉歆以為二月魯衛分傳曰晉侯問於士文伯曰誰
將當日食師古曰士文伯對曰魯衛惡之衛大魯小

公曰何故對曰去衛地如魯地於是有災其衛君乎

魯將上卿是歲八月衛襄公卒十一月魯季孫宿卒

晉侯謂士文伯曰吾所問日食從矣可常乎師古曰從謂如

謂常可以此占之不可對曰不可六物不同民心不壹

事序不類官職不則同始異終胡可常也詩曰或宴

宴居息或盡頌事國如淳曰頌古悴字師古曰小雅北山之詩也宴宴安息之貌也

其異終也如是公曰何謂六物對曰歲時

日月星辰是謂公曰何謂辰對曰日月之會是謂公

曰詩所謂此日而食于何不臧何也師古曰小雅十月之交之詩也

對曰不善政之謂也國無政不用善則自取適

于日月之災故政不可不慎也務三而已一曰擇人

二曰因民三曰從時此推日食之占循變復之要也

易曰縣象著明莫大於日月是故聖人重之載于三

經師古曰謂易詩春秋於易在豐之震曰豐其沛日中見昧折

其右肱云咎服虔曰日中而昏也師古曰此豐卦九三爻辭也言遇此災則當退去右肱之

臣乃於詩十月之交則著卿士司徒下至趣馬師氏

咸非其材師古曰十月之交詩曰皇父卿士番維司徒

地官卿也掌邦教趣馬中士也掌王馬之政師氏中

大夫也掌司朝得失之事番蹶擗皆氏也美色曰豔

豔妻褒姒也豔或作閭閭亦嬪妾之姓也煽熾也詩

人刺王淫於色故皇父之徒皆用后寵而處職位不

於三務之所擇。明小人乘君子。陰侵陽之原也。十五年六月丁巳朔。日有食之。劉歆以為三月魯衛分。十七年六月甲戌朔。日有食之。董仲舒以為時宿在畢。晉國象也。晉厲公誅四大夫。失眾心。以弒死。師古曰。謂三卻及胥童也。胥童非厲公所誅。以導亂而後莫死。故揔書四大夫。厲公竟為樂書中行。偃所殺。後莫敢復責大夫。六卿遂相與比周。專晉國。君還事之。師古曰。六卿謂范氏中行氏。智氏。韓。魏。趙也。日比再食。其事在春秋後。故不載於經。劉歆以為魯趙分。左氏傳平子曰。師古曰。唯季平子。唯正月朔。慙未作。日有食之。於是乎天子不舉。伐鼓於社。諸侯用幣於社。伐鼓於朝。禮也。其餘則否。太史曰。

在此月也。日過分而未至。三辰有災。百官降物。君不舉。避移時。樂奏鼓。祝用幣。史用辭。晉夫馳。庶人走。此月朔之謂也。當夏四月。是謂孟夏。說曰。正月謂周六月。夏四月。正陽純乾之月也。慙謂陰爻也。冬至陽爻起。初。故曰復。至建巳之月。為純乾。亡陰爻。而陰侵陽。為災重。故伐鼓用幣。責陰之禮。降物。素服也。不舉。去樂也。避移時。避正堂。須時移災復也。嗇夫。掌幣吏。庶人。其徒役也。劉歆以為六月二日魯趙分。二十一年七月壬午朔。日有食之。董仲舒以為周景王老。劉子單子專權。蔡侯朱驕。君臣不說之象也。師古曰。蔡侯朱。蔡平公之

子後蔡侯朱果出奔。師古曰昭二十一年出奔楚。劉子單子立王。

猛劉歆以為五月二日魯趙分。二十二年十二月癸

酉朔日有食之。董仲舒以為宿在心。天子之象也。後

尹氏立王子朝。天王居于狄泉。師古曰天王敬王也。避子朝之難故居狄

泉。劉歆以為十月。楚鄭分。二十四年五月乙未朔日

有食之。董仲舒以為宿在胃。魯象也。後昭公為季氏

所逐。劉向以為自十五年至此歲十年間天戒七見。

人君猶不寤。後楚殺戎蠻子。師古曰昭十六年楚子誘戎蠻子殺之戎蠻國

在河南新城縣晉滅陸渾戎。師古曰十七年晉荀吳帥師滅陸渾之戎其地今陸渾縣是也

盜殺衛侯兄。師古曰衛靈公兄也名縶二十年為齊豹所殺以豹不義故貶稱盜所謂求名

而不。蔡莒之君出奔。師古曰蔡君即朱也莒君莒子庚與也二十三年出奔魯吳

滅巢。師古曰二十四年吳滅巢巢吳楚間小國即居巢城是也公子光殺王僚。師古曰事在二十一年宋

宋南里以宋三臣以邑叛其君。師古曰二十一年宋華亥向寧華定入于

叛是也它如仲舒。劉歆以為二日魯趙分。是月斗

建辰。左氏傳梓慎曰將大水。師古曰梓慎魯大夫昭子曰旱也。

師古曰叔孫昭子日過分而陽猶不克。克必甚。能無旱乎。孟

日謂春分後陰多陽少為陽不克。莫將積聚也。蘇林

莫爾不勝為積聚也是歲秋大雩。旱也。二至二分。日有食之。不

為災。日月之行也。春秋分。日夜等。故同道。冬夏至。長

短極。故相過。相過同道而食。輕不為大災。水旱而已。

盧舜治曰定公之世凡日食三比晉荀寅士吉射叛盜殺蔡侯陳乞弑君陪臣種橫魯失國寶

三十一年十二月辛亥朔日有食之董仲舒以為宿

在心天子象也時京師微弱後諸侯果相率而城周

師古曰定元年晉魏舒合諸侯之大夫于狄泉以城周是也

宋中幾亡尊天子之心而不衰城師古曰中幾宋大夫衰城謂以差次受

城謂以草覆城也蒯劉向以為時吳滅徐師古曰事

音先和反中讀曰仲劉歆以為二日宋燕分定公

昭王走出師古曰事並劉歆以為二日宋燕分定公

五年三月辛亥朔日有食之董仲舒劉向以為後鄭

滅許師古曰六年鄭游速帥魯陽虎作亂竊寶玉大

弓季桓子退仲尼宋三臣以邑叛劉歆以為正月二

楚滅陳之應

日燕趙分十二年十一月丙寅朔日有食之董仲舒

劉向以為後晉三大夫以邑叛薛弑其君師古曰十

鞅入于晉陽以叛荀寅士吉比楚滅頓胡師古曰十四

射入朝歌以叛薛弑其君比楚滅頓胡師古曰十四

帥師滅頓以頓于泮歸十五越敗吳師古曰十四年

年楚人滅胡以胡于豹歸五月於越敗吳

于攜李是衛逐世子師古曰十四年衛劉歆以為十

也攜音醉二月二日楚鄭分十五年八月庚辰朔日有食之董

仲舒以為宿在柳周室大壞夷狄主諸夏之象也明

年中國諸侯果累累從楚而圍蔡師古曰哀元年楚

圍蔡是也累讀曰蔡恐遷于州來師古曰哀二年十

州來楚邑今晉人執戎蠻子歸于楚師古曰哀公四

下蔡縣是

盧舜治曰哀公之世凡日食一茅坤曰三家何相異同至如此隆按凡春秋一段總結上文春秋日食之數又按春秋降而戰國七雄爭疆伏尸百萬陵夷至于始皇二世生民之禍烈矣謫見于天宜日食不勝書而班史獨闕之蓋當時史失其官無從考證耳

茅坤曰自此以前特按左氏傳書日食而已不言所次星之度而自此以後按漢歷官所次而書度數矣盧舜治曰高帝之世凡日食五

盧舜治曰哀公之世凡日食五

子赤歸京師楚也師古曰言以於楚劉向以為盜殺蔡侯師古曰哀四年蔡公孫翩殺蔡侯申翩非大夫故賤之而書盜齊陳乞弒其君而立陽生師古曰哀六年齊陳乞弒其君茶茶即景公之子也陽生茶之兄即悼公也孔子終不用劉歆以為六月晉趙分哀公十四年五月庚申朔日有食之在獲麟後劉歆以為三月二日齊衛分凡春秋十二公二百四十二年日食三十六穀梁以為朔二十六晦七夜二二日一公羊以為朔二十七二日七晦二左氏以為朔十六二日十八晦一不書日者二高帝三年十月甲戌晦日有食之在斗二十度燕地也後二年燕王臧荼反誅立盧縮為燕王後

又反敗十一月癸卯晦日有食之在虛三度齊地也後二年齊王韓信徙為楚王明年廢為列侯後又反誅九年六月乙未晦日有食之既在張十三度惠帝七年正月朔日有食之在危十三度谷永以為歲首正月朔日是為三朝尊者惡之五月丁卯先晦一日日有食之幾盡在七星初劉向以為五月微陰始起而犯至陽其占重至其八月宮車晏駕有呂氏詐置嗣君之害京房易傳曰凡日食不以晦朔者名曰薄人君誅將不以理或賊臣將暴起日月雖不同宿陰氣盛薄日光也高后二年六月丙戌晦日有食

之七年正月己丑晦日有食之既在營室九度為宮室中時高后惡之曰此為我也明年應師古曰謂文高后崩也帝二年十一月癸卯晦日有食之在婺女一度三年十月丁酉晦日有食之在斗二十三度十一月丁卯晦日有食之在虛八度後四年四月丙辰晦日有食之在東井十三度七年正月辛未朔日有食之景帝三年二月壬午晦日有食之在胃二度七年十一月庚寅晦日有食之在虛九度中元年十二月甲寅晦日有食之中二年九月甲戌晦日有食之三年九月戊戌晦日有食之幾盡在尾九度六年七月辛亥晦

盧舜治曰武帝之世凡日食十三

日有食之在軫七度後元年七月乙巳先晦一日日有食之在翼十七度武帝建元二年二月丙戌朔日有食之在奎十四度劉向以為奎為卑賤婦人後有衛皇后自至微興卒有不終之害師古曰皇后自三殺不終其位也三年九月丙子晦日有食之在尾二度五年正月己巳朔日有食之元光元年二月丙辰晦日有食之七月癸未先晦一日日有食之在翼八度劉向以為前年高園便殿災與春秋御廩災後日食於翼軫同其占內有女變外為諸侯其後陳皇后廢江都淮南衡山王謀反誅日中時食從東北過半晡時復元朔二年

盧舜治曰昭宣
之世凡日食五

二月乙巳晦日有食之在胃三度六年十一月癸丑
晦日有食之元狩元年五月乙巳晦日有食之在柳
六度京房易傳推以為是時日食從旁右法曰君失
臣明年丞相公孫弘薨日食從旁左者亦君失臣從
上者臣失君從下者君失民元鼎五年四月丁丑晦
日有食之在東井二十三度元封四年六月己酉朔
日有食之太始元年正月乙巳晦日有食之四年十
月甲寅晦日有食之在斗十九度征和四年八月辛
酉晦日有食之不盡如鉤在亢二度晡時食從西北
日下晡時復昭帝始元三年十一月壬辰朔日有食

盧舜治曰元成
之世凡日食十
三

之在斗九度燕地也後四年燕刺王謀反誅元鳳元
年七月己亥晦日有食之幾盡在張十二度劉向以
為己亥而既其占重孟康曰己土亥水也純陰故
食為最重也日食盡為既後
六年宮車晏駕卒以亡嗣宣帝地節元年十二月癸
亥晦日有食之在營室十五度五鳳元年十二月乙
酉朔日有食之在婺女十度四年四月辛丑朔日有
食之在畢十九度是為正月朔慝未作左氏以為重
異元帝永光二年三月壬戌朔日有食之在婁八度
四年六月戊寅晦日有食之在張七度建昭五年六
月壬申晦日有食之不盡如鉤因入成帝建始三年

茅坤曰異最重
著占亦最切惜
也成帝為色所
變而絕其嗣而
漢因以移于莽
悲夫

茅坤曰杜欽之
對亦明切

胡纘宗曰人事
失于下六句深

知天人感應之
理名言也

漢書卷三十一

十二月戊申朔日有食之。其夜未央殿中地震。谷永對曰：日食，妾女九度。占在皇后。地震，蕭牆之內。咎在貴妾。師古曰：蕭牆，謂門屏也。蕭，肅也。人臣至此加肅敬也。二者俱發，明同事異人，共掩制陽，將害繼嗣也。亶日食，則妾不見。師古曰：亶，讀曰但下例。亶地震，則后不見。異日而發，則似殊事。亡故動變，則恐不知。是月后妾當有失節之郵。師古曰：郵，與尤同。尤，過也。故天因此兩見，其變若曰：違失婦道，隔遠眾妾。師古曰：遠，音反。妨絕繼嗣者，此二人也。杜欽對亦曰：日以戊申食，時加未。戊未，土也。中宮之部，其夜殿中地震。此必適妾將有爭寵相害而為患者。人事失於下，變象

見於上，能應之以德，則咎異消。忽而不戒，則禍敗至。應之非誠，不立。非信不行。河平元年四月己亥晦，日有食之，不盡如鉤。在東井六度。劉向對曰：四月交於五月，月同孝惠。日同孝昭。東井，京師地。且既其占，恐害繼嗣。日蚤食，時從西南起。三年八月乙卯晦，日有食之，在房。四年三月癸丑朔，日有食之，在昴。陽朔元年二月丁未晦，日有食之，在胃。永始元年九月丁巳晦，日有食之，谷永以京房易占對曰：元年九月日蝕，酒亡節之所致也。獨使京師知之，四國不見者，若曰：湛涵于酒，君臣不別，禍在內也。師古曰：湛，讀曰沈。又讀曰永始

漢書卷三十一

五十四

文

文

盧舜治曰哀平之世凡日食四

隆按凡漢一段總結上文漢代

二年二月乙酉晦日有食之谷永以京房易占對曰今年二月日食賦歛不得度民愁怨之所致也所以使四方皆見京師陰蔽者若曰人君好治宮室大營墳墓賦歛茲重而百姓屈竭師古曰茲益也屈盡也禍在外也三年正月己卯晦日有食之四年七月辛未晦日有食之元延元年正月己亥朔日有食之哀帝元壽元年正月辛丑朔日有食之不盡如鉤在營室十度與惠帝七年同月日二年三月壬辰晦日有食之平帝元始元年五月丁巳朔日有食之在東井二年九月戊申晦日有食之既凡漢著紀十二世二百一十二

日食之數以下

次月

盧舜治曰前漢

二百一十二年日

食五十三較之

春秋則加數矣

後漢一百九十

六年日食七十

二較之前漢則

又加數矣魏晉

一百五十年日

食七十九較之

後漢則愈加數

矣天時人事每

每相因有如是

哉

茅坤曰予按成

帝兩月重見飛

燕姊弟並亂后

宮之象

隆按以下屬傳

年日食五十三朔十四晦三十六先晦一日二成帝建始元年八月戊午晨漏未盡三刻有兩月重見京房易傳曰婦貞厲月幾望君子征凶師古曰小畜上九爻辭也言君弱而婦彊為陰所乘則月並出晦而月見西方謂之朏朔而月見東方謂之仄慝孟康曰朏者月行疾在日前故早見仄慝在日後當沒而更見師古曰朏音吐了反仄慝則疾王其肅朏則疾者行遲在日後當沒而更見師古曰朏音吐了反

王其舒劉向以為朏者疾也君舒緩則臣驕慢故日行遲而月行疾也仄慝者不進之意君肅急則臣恐懼故日行疾而月行遲不敢迫近君也不舒不急以正失之者食朔日劉歆以為舒者疾王展意顯事臣

下促急。故月行疾也。肅者主疾。縮胸不任事。服虔曰胸音忸

忸之忸鄭氏曰不任事之貌也師古曰胸音女六反臣下弛縱。故月行遲也。當

春秋時。侯王率多縮胸不任事。故食二日。仄慝者十

八。食晦日朏者一。此其效也。考之漢家食晦朏者三

十六。終云二日仄慝者。歆說信矣。此皆謂日月亂行

者也。元帝永光元年四月。日色青白。亡景。韋昭曰日下無景也

無景謂唯質見耳正中時有景亡光。韋昭曰無光耀也是夏寒。至九

月。日乃有光。京房易傳曰。美不上人。茲謂上弱。厥異

日白。七日不溫。順亡所制。茲謂弱。孟康曰君順從於臣下無所能制

日白六十日。物亡霜而死。天子親伐。茲謂不知。日白

體動而寒。弱而有任。茲謂不亡。日白不溫。明不動。辟

讐公行。茲謂不伸。孟康曰辟君也厥異日黑。大風起。

天無雲。日光晦。師古曰晦與闇同也不難上政。茲謂見過。日黑

居仄。大如彈丸。成帝河平元年正月。壬寅朔。日月俱

在營室。時日出赤。二月癸未。日朝赤。且入。又赤。夜月

赤。甲申。日出赤如血。亡光。漏上四刻半。乃頗有光。燭

地赤黃。食後乃復。京房易傳曰。辟不聞道。茲謂亡。厥

異日赤。三月乙未。日出黃。有黑氣。大如錢。居日中央。

京房易傳曰。祭天不順。茲謂逆。厥異日赤。其中黑。聞

善不予。茲謂失知。厥異日黃。夫大人者。與天地合其

隆按元成之世
日色青白亡景
日出赤如血亡
光日出黃有黑
氣大如錢此日
之五變也
又按以下屬傳
語時則有星辰
逆行
虛澤治曰恒星
不見者天地之
常經自此而異
也星隕如雨者
此而志也是時

德與日月合其明故聖王在上總命羣賢以亮天功
師古曰虞書舜典帝曰咨二十有二牧四嶽令各敬其職事信定其
天功謂敕九官十二牧四嶽令各敬其職事信定其
功順天道也則日之光明五色備具燭耀亡主有主
則為異應行而變也色不虛改形不虛毀觀日之五
變足以監矣故曰縣象著明莫大乎日月此之謂也
嚴公七年四月辛卯夜恒星不見夜中星隕如雨董
仲舒劉向以為常星二十八宿者人君之象也眾星
萬民之類也列宿不見象諸侯微也眾星隕墜民失
其所也夜中者為中國也不及地而復象齊桓起而
救存之也鄉亡桓公星遂至地中國其良絕矣師古曰中

王綱解列國
爭衡故天變應
之春秋書星變
者凡四班史述
之于此莊七年
星隕如雨以王
人不能勝五國
之兵也文十四
年星孛以桓文
跡熄而宋齊晉
之有禍亂也昭
十七年星孛以
王朝衰孽奪正
而兵刃交于都
內也哀十三年
星孛以強吳非
伯而中國皆服
于夷也皆係王
伯興衰如此予
故表而釋之以
補班氏之未發
云

國中夏之國也良猶信也劉向以為夜中者言不得終性命中道
敗也或曰象其叛也言當中道叛其上也天垂象以
視下將欲人君防惡遠非慎卑省微以自全安也師古曰
曰遠離如人君有賢明之材畏天威命若高宗謀祖
已師古曰謂殷之武丁有雉雉之異而
祖已訓諸王作高宗彤日高宗之訓成王泣金滕
師古曰武王有疾周公作金滕之書為王請命王翌
日乃瘳後武王崩成王即位管蔡流言而周公居東
天大雷電以風禾盡偃大木斯拔王啓金滕乃得周
公代武王之說王執書以泣遣使者逆公王出郊天
乃雨反風改過修正立信布德存亡繼絕修廢舉逸
禾則盡起
下學而上達師古曰下學謂博謀於羣下
也上達謂通於天道而畏威裁什一之
稅復三日之役師古曰古之田租十稅其一
一歲役兆庶不過三日也節用儉

茅坤曰予謂星
隕如雨言衆也
蓋衆星不能守
舍而光下散也

服以惠百姓則諸侯懷德士民歸仁災消而福興矣

遂莫肯改寤法則古人而各行其私意終於君臣乖

離上下交怨自是之後齊宋之君弒師古曰莊八年

諸兒十二年宋譚遂邢衛之國滅師古曰十年齊侯

萬弒其君捷也宿遷於宋師古曰莊十年

滅遂閔二年狄人入衛僖宿遷於宋師古曰莊十年

其地也宿國東蔡獲於楚師古曰莊十年

平無鹽縣是蔡獲於楚師古曰莊十年

晉相弒殺五世乃定師古曰謂殺奚齊卓子及懷公

乃定此其效也左氏傳曰恒星不見夜明也星隕如

雨與雨偕也劉歆以為書象中國夜象夷狄夜明故

常見之星皆不見象中國微也星隕如雨如而也星

隕而且雨故曰與雨偕也明雨與星隕兩變相成也

洪範曰庶民惟星易曰雷雨作解是歲歲在玄枵齊

分壅也夜中而星隕象庶民中離上也雨以解過施

復從上下象齊桓行伯復與周室也周四月夏二月

也日在降婁魯分壅也先是衛侯朔奔齊衛公子黔

牟立齊帥諸侯伐之天子使使救衛魯公子溺顛政

會齊以犯王命師古曰溺魯大夫名也莊三年溺會

子救衛而溺伐嚴弗能止卒從而伐衛逐天王所立

之故云犯王命嚴弗能止卒從而伐衛逐天王所立

師古曰謂不義至甚而自以為功民去其上政繇下

作尤著故星隕於魯天事常象也成帝永始二年二

隆按當其時五
侯禮權賊恭居
攝星墮之應以
此谷子雲不指
以對何耶

茅坤曰五七百
年之間星墮者
僅一再見而谷
求之對亦明切
而危矣

月。癸未夜過中星墮如雨。長一二丈。釋釋未至地滅。

師古曰釋釋光采貌至雞鳴止。谷永對曰。日月星辰燭臨下土。

其有食墮之異。則遐邇幽隱靡不咸睹。星辰附離于

天。猶庶民附離王者也。王者失道。綱紀廢頓。下將叛

去。故星叛天而墮。以見其象。春秋記異。星墮最大。自

魯嚴以來。至今再見。臣聞三代所以喪亡者。皆繇婦

人羣小。湛酒於酒。書云。乃用其婦人之言。四方之逋

逃多罪。是信是使。師古曰周書泰誓也。言紂惑於

曰赫赫宗周。褒姒威之。師古曰小雅正月之詩也。顛覆厥德。荒沈

于酒。師古曰大雅抑之詩也。刺王傾敗其德。荒廢政事而耽酒。及秦所以二世而

亡者。養生大奢。奉終大厚。方今國家兼而有之。社稷

宗廟之大憂也。京房易傳曰。君不任賢。厥妖天雨星

文公十四年。七月有星孛入于北斗。董仲舒以為孛

者惡氣之所生也。謂之孛者。言其孛孛有所妨礙。闇

亂不明之貌也。北斗大國象。後齊宋魯晉皆弑君。

師古曰文十四年齊公子商人弑其君。舍十六年宋人弑其君。杵臼十八年襄仲殺惡及視。莒弑其君。庶

其宣二年晉趙穿攻靈公於桃園。劉向以為君臣亂於朝。政令虧於

外。則上濁三光之精。五星羸縮變色逆行。甚則為孛。

北斗人君象。孛星亂臣類。篡殺之表也。星傳曰。魁者

貴人之牢。又曰孛星見北斗。中大臣諸侯有受誅者。

一曰魁為齊晉。夫彗星較然在北斗中。天之視人顯

矣。史之有占明矣。時君終不改寤。是後宋魯莒晉鄭

陳六國咸弑其君。師古曰宋魯莒晉已解於上宣四年鄭公子歸生弑其君夷十年陳

夏徵舒弑其君平國齊再弑焉。師古曰再弑者謂商人殺中國

既亂。夷狄並侵。兵革從橫。楚乘威席勝。深入諸夏。師古曰

曰謂邲戰之後六侵伐。師古曰謂宣十二年春楚子圍鄭夏

子伐宋十四年楚子圍宋成二年楚師侵衛遂一滅

國。師古曰謂宣十二年楚子滅蕭觀兵周室。晉外滅二國。師古曰謂

晉滅赤狄潞氏十六年滅赤狄甲氏也內敗王師。師古曰謂成元年晉

又連三國之兵。大敗齊師于鞏。師古曰謂成二年晉

衛孫良夫曹公子首及齊侯戰于鞏齊師敗績鞏齊地追亡逐北。東臨海水。師古

曰謂逐之三周華不注又從之威陵京師。武折大齊。

皆孛星炎之所及。流至二十八年。師古曰炎星傳又

曰彗星入北斗。有大戰。其流入北斗中。得名人。孟康

得名也不入。失名人。宋華元賢名大夫。大棘之戰。華元

獲於鄭。師古曰宣二年宋華元帥師及鄭公子歸生戰于大棘宋師敗績獲華元大棘宋地傳

舉其效云。左氏傳曰有星孛北斗。周史服曰不出七

年。宋齊晉之君皆將死亂。師古曰史服周內史叔服也劉歆以為

北斗有環域四星入其中也。斗天之三辰綱紀星也。

宋齊晉天子方伯。中國綱紀。彗所以除舊布新也。斗

七星故曰不出七年。至十六年宋人弒昭公。師古曰即杵曰

十八年齊人弒懿公。師古曰即商人宣公二年晉趙穿弒靈

公。昭公十七年冬有星孛于大辰。董仲舒以為大辰

心也。心為明堂。天子之象。後王室大亂。三王分爭。此

其效也。劉向以為星傳曰。心大星。天王也。其前星太

子。後星庶子也。尾為君臣垂離。孛星加心。象天子適

庶將分爭也。其在諸侯。角亢氏陳鄭也。房心宋也。後

五年周景王崩。王室亂。大夫劉子單子立王猛。尹氏

召伯毛伯立子鼂。子鼂楚出也。師古曰姊妹之子曰出時楚彊

宋衛陳鄭皆南附。楚王猛既卒。敬王即位。子鼂入王

城。天王居狄泉。莫之敢納。五年楚平王居卒。子鼂奔

楚。王室乃定。後楚帥六國伐吳。吳敗之于鷄父。殺獲

其君臣。師古曰昭二十三年楚遠越帥師及頓胡沈蔡陳許之師與吳師戰于鷄父。楚師敗績。胡

子鼂沈子逞滅獲陳大夫夏蔡怨楚而滅沈。楚怒圍

蔡。吳人救之。遂為柏舉之戰。敗楚師。屠郢都。妻昭王

母。鞭平王墓。師古曰沈楚之與國。定四年四月蔡公孫姓帥師滅沈。以沈子嘉歸。秋楚為沈

故圍蔡。冬吳興師以救之。與楚戰于柏舉。楚師敗績。庚辰吳入郢。君舍乎君室。大夫舍乎大夫室。妻楚王

之母捷平王之墓也此皆孛彗流炎所及之效也。左氏傳曰。有

星孛于大辰。西及漢。申繻曰。彗所以除舊布新也。師古曰申繻魯大夫天事恒象。今除於火。火出必布焉。諸侯其有

甫

火災乎。梓慎曰：往年吾見，是其徵也。火出而見，今茲火出而章，必火入而伏。其居火也久矣，其與不然乎。火出於夏為三月，於商為四月，於周為五月，夏數得天。若火作，其四國當之。在宋衛陳鄭乎。宋大辰之虛，陳太昊之虛，鄭祝融之虛。師古曰：虛讀皆曰墟。皆火房也。星孛及漢，漢水祥也。衛顓頊之虛，其星為大水。水火之牡也。張晏曰：水以天一為地，二牡丙與午南方火也。子及壬北方水也。又其配合。其以丙子若壬午作乎。水火所以合也。若火入而伏，必以壬午。不過見之月。明年夏五月，火始昏見。丙子風，梓慎曰：是謂融風，火之始也。張晏曰：融風，立春木風也。火之母也。火所始生也。淮南子曰：東

北曰炎風，高誘以為良氣所生也。炎風一曰融風。午凡七日，既其配合之日，又火以七為紀。七日其火作乎。張晏曰：自丙子至壬

也。宋衛陳鄭皆火，劉歆以為大辰房心尾也。八月心

星在西方，孛從其西過心，東及漢也。宋大辰虛謂宋

先祖掌祀大辰星也。陳太昊虛，虞義木德火所生也。

鄭祝融虛，高辛氏火正也。故皆為火所舍。衛顓頊虛

星為大水，營室也。天星既然，又四國失政相似。及為

王室亂，皆同。哀公十三年冬十一月，有星孛于東方。

董仲舒劉向以為不言宿名者，不加宿也。孟康曰：不

宿之以辰乘日而出，亂氣蔽君明也。明年春秋事終。

一曰周之十一月。夏九月日在氏。出東方者軫角亢也。軫楚角亢陳鄭也。或曰角亢大國象。為齊晉也。其

後楚滅陳。

師古曰襄十七年楚公孫朝帥師滅陳也。

田氏篡齊。

師古曰齊平公十三年春秋之傳終矣。平公二十五年卒。

卒後七十年而康公為田和所滅。

六卿分晉。

師古曰晉

出公八年春秋之傳終矣。出公十七年卒。卒後八十年至靖公為韓魏趙所滅。而三分其地。蓋晉之衰也。六卿擅權。其後范氏中行氏智氏滅而韓魏趙兼其土。田人眾。故摠言六卿分晉也。此其效也。

劉歆以為孛東方大辰也。不言大辰。旦而見。與日爭

光。星入而彗猶見。是歲再失閏。十一月實八月也。日

在鶉火。周分野也。十四年冬有星孛。在獲麟後。劉歆

以為不言所在。官失之也。高帝三年七月有星孛于

大角。旬餘乃入。劉向以為是時項羽為楚王。伯諸侯

而漢已定三秦。與羽相距滎陽。天下歸心於漢。楚將

滅。故彗除王位也。一曰項羽阬秦卒。燒宮室。弑義帝。

亂王位。故彗加之也。文帝後七年九月有星孛于西

方。其本直尾箕。末指虛危。長丈餘。及天漢十六日不

見。劉向以為尾宋地。今楚彭城也。箕為燕。又為吳越

齊。宿在漢中負海之國。水澤地也。是時景帝新立信

用鼂錯。將誅正諸侯王。其象先見。後三年吳楚四齊

與趙七國舉兵反。

師古曰四齊膠東膠西菑川濟南也。

皆誅滅云。武帝

建元六年六月有星孛于北方。劉向以為明年淮南

王安入朝與太尉武安侯田蚡有邪謀而陳皇后驕恣其後陳后廢而淮南王反誅八月長星出于東方長終天三十日去占曰是為蚩尤旗見則王者征伐四方其後兵誅四夷連數十年元狩四年四月長星又出西北是時伐胡尤甚元封元年五月有星孛于東井又孛于三台其後江充作亂京師紛然此明東井三台為秦地效也宣帝地節元年正月有星孛于西方去太白二丈所劉向以為太白為大將彗孛加之掃滅象也明年大將軍霍光薨後二年家夷滅成帝建始元年正月有星孛于營室青白色長六七丈

茅坤曰古今所少星變而其事應亦大漢卒以云矣

廣尺餘劉向谷永以為營室為後宮懷妊之象彗星加之將有害懷妊絕繼嗣者一曰後宮將受害也其後許皇后坐祝詛後宮懷妊者廢趙皇后立妹為昭儀害兩皇子上遂無嗣趙后姊妹卒皆伏辜元延元年七月辛未有星孛于東井踐五諸侯孟康曰五諸侯星名出河戍北率行軒轅太微後日六度有餘晨出東方十三日夕見西方犯次妃長秋斗填蠱炎再貫紫宮中大火當後達天河除於妃后之城南逝度犯大角攝提至天市而按節徐行服虔曰謂行遲炎入市中旬而後西去五十六日與倉龍俱伏谷永對曰上古以來大亂

盧舜治曰宋襄公以亡國之餘欲圖伯業五石以理推之星隕為石不祥也

鷓退飛不順也卒之以五年見執六年終敗天之示人顯矣宋人以災赴于諸侯故魯得而書之數

之極所希有也。察其馳騁驟步芒炎。或長或短。所歷奸犯。師古曰奸音干內為後宮女妾之害。外為諸夏叛逆之禍。劉向亦曰。三代之亡。攝提易方。秦項之滅。星孛大角。是歲趙昭儀害兩皇子。後五年成帝崩。昭儀自殺。哀帝即位。趙氏皆免官爵。徙遼西。哀帝亡嗣。平帝即位。王莽用事。追廢成帝趙皇后。哀帝傳皇后皆自殺。外家丁傅皆免官爵。徙合浦。歸故郡。平帝亡嗣。莽遂篡國。釐公十六年正月戊申朔隕石于宋。五。是月六鷓退飛過宋都。董仲舒劉向以為象宋襄公欲行伯道將自敗之戒也。石陰類。五陽數。自上而隕。此陰而

陽行欲高反下也。石與金同類。色以白為主。近白祥也。鷓水鳥。六陰數。退飛欲進反退也。其色青。青祥也。屬於貌之不恭。天戒若曰。德薄國小。勿持炆陽。欲長諸侯與疆大爭。必受其害。襄公不寤。明年齊桓死。伐齊喪。

師古曰僖十七年齊桓公卒執滕子圍曹。曰十。九年三月宋人執滕子嬰齊。秋宋人圍曹。為孟之會。與楚爭盟。卒為所執。後得反國。師古曰二十一年春為鹿上之盟。秋會于孟。於是楚執宋公。以伐宋。冬會于薄。以釋之。鹿上孟薄皆宋地。不悔過自責。復會諸侯伐鄭。與楚戰于泓。軍敗身傷為諸侯笑。師古曰二十二年夏宋公衛侯許男滕子伐鄭十一月宋公及楚人戰於泓。宋師敗績。公傷股門官殲焉。二十三年卒傷於泓。故也。泓水名也。左氏傳曰隕

馬。二十三年卒傷於泓。故也。泓水名也。左氏傳曰隕

馬。二十三年卒傷於泓。故也。泓水名也。左氏傳曰隕

石星也。鴟退飛風也。宋襄公以問周內史叔興曰：是
何祥也？吉凶何在？對曰：今茲魯多大喪，明年齊有亂。

師古曰：今君將得諸侯而不終退，而告人曰：是陰陽
茲謂此年。

之事，非吉凶之所生也。吉凶繇人，吾不敢逆君故也。

是歲魯公子季友、鄆季姬、公孫茲皆卒。師古曰：僖十
六年三月公

于季友卒四月，季姬卒七月，公孫茲卒季
姬魯女適鄆者也。公孫茲，叔孫戴伯也。明年齊桓

死，適庶亂。宋襄公伐齊，行伯卒，為楚所敗。劉歆以為

是歲歲在壽星，其衝降婁，降婁魯分壅也。故為魯多

大喪。正月，日在星紀，馱在玄枵。玄枵，齊分壅也。石山

物，齊大獄後。師古曰：齊姜姓也。其先為堯
之四嶽，四嶽分掌四方諸侯。五石象齊

茅坤曰：以下隕
星之占亦星也。

桓卒而五公子作亂。師古曰：五公子謂無虧也。
元也。昭也。潘也。商人也。故為

明年齊有亂。庶民惟星，隕於宋。象宋襄將得諸侯之

眾而治，五公子之亂。星隕而鴟退飛，故為得諸侯而

不終。六鴟象後六年伯業始退，執於孟也。民反德為

亂。亂則妖災生，言吉凶繇人。然后陰陽衝馱受其咎。

齊魯之災，非君所致。故曰：吾不敢逆君故也。京房易

傳曰：距諫自彊，茲謂卻行。厥異鴟退飛，適當黜，則鴟

退飛。惠帝三年，隕石縣諸壹。師古曰：縣諸道
也。屬天水郡也。武帝征

和四年二月，丁酉隕石雍二。天晏亡雲，聲聞四百里。

師古曰：雍扶風之
縣也。晏天清也。元帝建昭元年，正月，戊辰隕石梁

盧舜治曰：漢世
隕石凡十一

國六。成帝建始四年正月癸卯隕石橐四肥累一。孟康

曰皆縣名也故屬真定陽朔三年二月壬戌隕石白

馬八。師古曰累音力追反鴻嘉二年五月癸未隕石杜衍三。師古

曰南陽之縣名元延四年三月隕石都關二。師古曰山哀帝

建平元年正月丁未隕石北地十。其九月甲辰隕石

虞二。師古曰梁國之縣名平帝元始二年六月隕石鉅鹿二。自

惠盡平隕石凡十一。皆有光耀雷聲成哀尤屢。

漢書評林卷之二十七



